

LEBAKA LA

KEREKE YA PEREGAMO

 Go lokile. Bjale, bokgole bjoo ke lego, go tla ba kaone go e tima. Go lokile.

² Re thabile kudu go ba fa bošegong bjo ka tirelong ya Morena. Gomme bošegong bja go feta ka kgonthe ke ikwetše Miliniamo o ttile. Gomme kafao bjale re ne tše dingwe, ke a dumela dipotšišo tše dingwe fa, gomme ke tla di bea ka potleng ya ka go re...ke—ke a thanka ye ke thapelo...go rapelelwa. Gomme re...Gomme ke tla leka go araba bokaonekaone bjoo ke—bjoo ke tla kgonago.

³ E re, ge o ka botša Doc ge a ka “tima yeo,” gore... bonegeditše thwi tlase fa go nna, kafao, ga ke ka tlase ga sepotelaete. Le a tseba, ga—ga ke yo mongwe wa badiredi ba ba sepotelaete. Kafao no ba kaone ntle le sona, ke a eleletša. La mafelelo...

⁴ Ke se kgopetše, Doc. Ke a sokologa, ke—ke a sokologa, o a bona. Oo, oo, o dira eng...? O swanetše go retologa godimo fale le go le šomiša? [Ngwanešu Branham o ne poledišano le ngwanaboo, Doc—Mor.] Oo, gabotse, nno se tlogela. Ya. Gabotse, nno se tlogela. Oo, aowa! Bjale, o se se wiše. Ya. Bjale ke rata seo bokaone. Nako ye nngwe... Gomme ga ke rate seetša se no phadimela thwi sefahlegong sa ka, le a tseba. Gomme—gomme se phadimela tlase go se moo ke kgonago go bona bokaone. Ke a go leboga, mohlomphegi. Seo se tla mo dira.

⁵ Le a tseba, o ka se kgone go fetša mabaka a a kereke. Gomme lehono ge ke be ke ithuta go le, ke rile go mosadimogatša wa ka, ke rile, “Oo, nna! ke—ke ne dihlogo go lekanela go rera dithero tše masomehlano thwi go tšwa go le.” Le a bona? Gomme ba no...ga go tsela go e dira eupša go no betha mabalankwe, gomme mohlomongwe ge re ngwala puku gona re tla leka go hwetša bontši ka go yona.

⁶ Ga se ke go bone fa, ngwanešu. Go bjang, Ngwanešu West? Ke no kwa ditaba tše botse, gore wa mafelelo wa lapa la Ngwanešu Daulton o tsene, mošemane yo mongwe...mosetsana yo mongwe. Ke ba lesome, a ke yona? Senyane. Le a elelwa yeo e be e le ka tlase ga bodiredi bjo boswa ge Morena a mmoditše fale gore...lapa la gagwe le tla phološwa. Ke be ke ba rapelela, ke eme fale ke sa tsebe se ke bego ke tla se bolela, Moya wo Mokgethwa o rile, “Ke go fa lapa la gago.” Le a bona? Uh-huh. Gomme yona šele, yo mongwe le yo mongwe wa bona. Le bona ka fao Morena a dirago? Le a bona, mantšu a Gagwe a phethagetše, ga tsoge, a tsoge a palelwa. Gabotse, ga re nyake go tsena

lehlakoreng la phodišo Kgethwa, re leka go dula botelele... karolo ye, go lehlakore la seprofeto.

⁷ Bjale, bošegong bjo ke ya go leka go no bolela, gomme ge nka kgona, gomme re tla tla tlase go dikarolo tša histori tša lebaka la kereke le legolo le, la bobedi... goba lebaka la boraro la kereke re lego go lona bošegong bjo. A le ipshina ka lona? Go no ba go makatša. Ka kgonthe ke no nagana ke mo go makatšago ka fao Morena Jesu a re šegofaditšego le go re fa dilo tše, gomme re e thabela ka pelo ya rena yohle, go re direng go tseba pele ga nako se se yago go direga ka moso. O tseba bofelo go tloga mathomong, gomme kafao re thabile kudu go seo. Kafao re tshepile Morena go re šegofatša.

⁸ Gomme a le lemogile, bošegong bja go feta, Moya wo Mokgethwa o re file (ka morago ga ge tirelo e fedile) melaetša ye meraro le disoulo tše tharo. Feel a tlwa. Gomme ge Moya o be o bolela, nako yeo e tla morago go tlhathollo ya mafelelo, e bušeeditšwe, e rile, "Se Moya o se botšago dikereke..." Oo, "Yo a nago le tsebe, anke a kwe se Moya o se botšago dikereke." Feel a... Gomme Moya o bolela ka dimpho tša kereke. Oo, anke kereke e sware seo ka tlhomphokgolo bjale, le a bona, feela go e boloka ka tlhomphokgolo. Phakgamang; Sathane o tla tla, go leka go le kgesetša go bofelo bja botebo go yona. Ebang le kgonthe ke Moya wo Mokgethwa nako le nako. Gomme ge e le Moya wo Mokgethwa, O tla bolela thwi go se sengwe seo se kgatlampanganago. Ke bakeng sa go godiša kereke. Le a bona? Gomme gona ge le ka ba le tlhomphokgolo ka tšela, Modimo gona o tla le fa bontši. Le a bona, nno tšwelangpele go oketša bontši le bontši. Gomme ge...

⁹ Bjale, yo mongwe o be a letša le go botšiša... batho ba letša lehono le go botšiša ditirelo tša phodišo di thoma neng. Bjale, ka pela ge ditirelo tše di fedile, Lamorena le le latelago mantšiboa, ke a tloga matšatši a se makae, mohuta wa go khutšiša mogolo wa ka gannyane nthatana, gomme Lamorena le le latelago, Morena ge a rata, re tla ba le tirelo ya phodišo, Lamorena le le latelago mosong. Yeo e tla ba... ga ke tsebe feela e tla ba letšatši le lefe, eupša e tla ba beke go tloga... La 18, Lamorena moso-... A yeo e lokile, Ngwanešu Neville? Mmm? [Ngwanešu Neville o a fetola, "Ee, mohlomphegi."—Mor.] Lamorena mosong, la 18, go rapelela balwetši.

¹⁰ Gomme ka go se, modiša wa rena, ga se ke be le sebaka go bolela kudu ka ga yena, eupša ke nyaka lena bohole, go leka go kopana le modiša wa rena. Yena ka kgonthe ke ngw—ngw ngwanešu wa kgonthe ka go Kriste. Re thabile go ba le ngwanešu yoo... godišeditšwe ka go bokamorago bja Methodist ka bokgethwa. Gomme bohole re tseba Orman Neville, yo mongwe le yo mongwe tikologong fa o a dira. Ga go yo a beago monwana bophelong bja gagwe. Ke tla... Ga a rate go nna go bolela seo, eupša efela bokaone ke mo fe nthatana gannyane ya leloba la

rosa bjale, go phala kgare ka moka morago ga ge a tlogile. Le a bona? Gomme bjale ke nako.

¹¹ Bošego bjo bongwe ke be ke e ya ntle ga kereke gomme yo mongwe o rile, “Oo, Ngwanešu Branham, ka kgontha ke thabetše theroyela.”

Ke rile, “Ke a go leboga.”

¹² Gomme kafao yo mongwe a eme lebating, (e bile mengwaga ye mentši ya go feta, godimo fa ka tabarenekeleng) modiredi, o rile, “Gabotse, šegofatša Modimo, ga ke nyake motho a mpotša seo.” Le a bona? O rile, “Ke nyaka letago lohle go ya go Modimo.”

Ke rile, “Gabotse, e a dira.” Le a bona? Gomme ke rile, “Gabotse, ke a e rata, nnamong.” Ke rile, “Ka kgontha ke a e rata.” Gomme ke rile, “Ke swanetše go rereša.”

Gomme o rile, o rile, “Gabotse, ga ke rate go batho go bolela seo go nna, šegofatša Modimo!”

Ke rile, “Go no ba phapano e tee magareng ga ka le wena: nna ke a botega ka yona, gomme wena ga o.”

¹³ Mang le mang o rata . . . Ge o tsea ngwana yo monnyane, mo kgantšhe gannyane, o tla dira mošomo wo mokaone. Le a bona? Yeo ke knete. Le a bona? Modimo, ka mehla, O rata go botša bana ba Gagwe ge a dira gabotse. O rata go ba botša ge ba dira phošo, kafao gobaneng o sa ba botše ge ba dira gabotse? Le a bona?

¹⁴ Kafao ka kgontha ke leboga Modimo bakeng sa Ngwanešu Neville go beng modiša wa mohlape wo fa mo tabarenekeleng. Gomme go boneng monna yola, bokamorago bja Methodist, go nokologa go . . . Gobaneng, feela boka go nyaka go ja ka borekišetšong bja phošo. Kafao . . . eupša go hwetšeng ka momo Moya wo Mokgethwa wo mogolo, gomme bjale go tleng go dimpho tše; le ka thelelo ka fao Moya wo Mokgethwa o mo dirišago ge a sa diriše monagano wa gagwe mong. Šetšang tlhathollo ka morethetho wa go swana, le merotoga le metheoga ya go swana, boka maina le mašala, le go ya pele, le go e arabeng thwi morago gape.

¹⁵ Le ngwanešu yo monnyane yo, ga ke nagane o . . . Junior Jackson. Gabotse, ke tla homola, Junie. Ke leboga Modimo bakeng sa Junie Jackson, ngwanešu ka kgontha o ne mpho go tšwa go Morena.

¹⁶ Gomme ka mehla go no ba go kokobela. Bjale, mang le mang ka kerekeng o ne se sengwe go dira; eupša o se tsoge wa e gogela ka thoko bakeng sa se sengwe gape, e lese e nyalelane le kereke ka moka. Ke bakeng sa Modimo. Le a bona? Le a bona? A yo mongwe le yo mongwe ga a nyake go bolela ka maleme, yo mongwe le yo mongwe go hlatholla.

¹⁷ Lekang go dira se sengwe gabotse le go no tšwelapele go beng gabotse; le se sware ditshelle, go se be le dikgopi, le se dumelele kgalako e ka ba efe. Ga go kgathale motho ke yo mobe gakaakang

gomme ba bolela gampe gakaakang ka wena, o se tsoge wa nagana bobe pelong ya gago kgahlanong le bona; gobane thwi fale diabolo o tla tsena thwi, go hlola se sengwe thwi fale. Nno e boloka yohle e khupeditšwe ka lerato la bomodimo, boipolelo, le go e lokiša, le go dira botse go bale ba ba go dirago bobe. “Ge o no dira botse go bale ba ba dirago botse go wena, gobaneng,” Jesu o rile, “a balekgetho ga ba dire go swana?” Le a bona? Badiradibe, e ka ba mang a ka dira botse go bale bao ba dirago botse go bona. Eupša e ba gabotse go bale ba ba sego gabotse go wena, dira se sengwe go bale ba ba ka se dirego selo go wena. Bolela lentšu le lebotse go monna yoo a ka bolelago bobe kgahlanong le wena, gomme ka tsela yeo o tloša kgalako yohle go tšwa pelong ya gago; gomme ka mehla o ratana le yo mongwe le yo mongwe gona, ge feelsa o dula leratong.

¹⁸ Bjale o re, “Gabotse, ba dirile...” Ga se rena moahlodi, Modimo ke Moahlodi. Gomme o ka se nyake moisa yola wa go šokiša go lahlwa, a o ka? Kgonthe aowa, ga go kgathale ke bomang. O ka se nyake seo, kafao leka go ba botho go bona. “Gomme lerato le fihla boati bja sebe.” Uh-huh. Ee, mohlomphegi. Lerato, feelsa gabotse goo, Mokriste, Lerato la bomodimo.

¹⁹ Ge motho a rotoga gomme a go bitša “mopshikologimokgethwa” le mehuta yohle ya leina, bjale—bjale nno se itshware boka yona, le a bona, ge o ka se kgone go itshwara boka yona, nno sepelela kgole. Eupša ka pelong ya gago, o swanetše go ba lefelong o re, “Gabotse, go...bjale, mohlomongwe, ngwanešu, ge o kwešiša, ka tsela ye ke dirago, o tla ikwela boka ke dira ka yona.” Le a bona? Gomme o no ba bose go yena ka kgonthe, gomme o ye pele ka mokgwa woo. Gomme le ge re ka fapania kgole boka bohlabela bo le go bodikela, seo ga se dire phapano e ka ba efe.

²⁰ Bjalo ka ge ke boletše bosegong bjo bongwe, ke ne ngwanešu yoo a lego...ke monna wa seemakamaoto, Melvin; ke yo motelele, wa hlogokhubetšwana. Bjale, ga re bogege gape go swana go feta ge re be re se setswalle sefe le gannyane. Gomme ditatso tša rena—tša rena di a fapania, le ditlhologelo tša rena di a fapania; eupša efela mmagwe ke mme wa ka, tatagwe ke tate wa ka, yena ke ngwanešu wa ka. Le a bona? Gobane re belegwe ka lapeng la go swana.

²¹ Bjale, re a fapania. Melvin ga se Mokriste, gomme o rata peisepolo, mekato ya dipere, le dilo boka tše. Gomme ke—ke nagana o rata phae ya tšhokolete, kafao ke ne kgonthe re a fapania fale. Kafao ga—ga ke rate mekato ya dipere le peisepolo, ke rata go thea dihlapi le go tsoma. Le a bona? Gomme a ka se retolle seatla sa gagwe godimo bakeng sa seo, gomme nka se retolle seatla sa ka godimo bakeng sa seo. Kafao gona, le a bona, eupša o rata phae ya tšhokolete gomme ke rata phae ya tšheri. Kafao gona...

²² Bjale, ga ke tsome, le a bona. Eupša ke boletše seo nako ye nngwe ka kopanong felotsoko, gore ke ratile phae ya tšhokolete, gomme bošego bja go latela ke bile le e ka ba ditšhokolete tše tlhano . . . goba phae ya tšheri, gomme ke bile le diphae tša tšheri tše nne goba tše tlhano bokgaetšedi ba di pakilego gomme ba ntlišeditše. Nna! A re bile le mogobo godimo ka kamoreng ya ka! Eupša, ga—ga ke ere ka tsela yeo. Le a bona?

²³ Ka fao ke no ra go le bontšha phapano, le a bona. Eupša ga go kgathale se a lego, ke a mo rata, ke ngwanešu. Gomme kafao ga se yena Mokriste gobane o bona dilo ka seetša se sengwe, ke bona dilo ka Seetša sa Kriste; eupša efela nka se kgone go re ga se ngwanešu, gobane re banešu re belegwe lapeng la go swana.

²⁴ Bjale, bošegong bja go feta, ke dirile setsopolwa, sela sa mafelelo. Gomme elelwang bjale, molaetša wa pele o tla go kereke ka morago ga yela yeo le e tsebago, ka ntle le tlase fa ka Kentucky, e bile gore go tla ba le dilo tša go makatša ka kopanong ye tše di tlago gakgamatšago batho. Le elelwa seo? E go theipi, bjale. Le a bona? Bošegong bja go feta ye nngwe ya tšona e utollotšwe. Kafao go mohuta wa go emiša feela sebaka sa motsotso, eupša ke ne kgonthe le e swere; gobane Moya wo Mokgethwa o tlišitše godimo, seo se bego se tlabago gona: “hele ya Gosafelego, ga go selo se sebjalo ka Beibeleng.”

²⁵ Ga go na hele ya Gosafelego. Ge eba o bile le ya Gosafelego . . . Ge o swele ka heleng lebaka la Gosafelego, gona o swanetše go ba le Bophelo bjo Bosafelego go ba fale, ge eba o a phela. Gomme go ne sebopego se setee sa Bophelo bjo Bosafelego, bjoo ke Modimo! Le a bona? Kafao, gomme gona Beibele ga e rute hele ya *Gosafelego*, e ruta ya “goyagoile” hele. Yeo e ka ba lebaka la mengwaga ye dikete tše lesome tša dimilione, ga ke tsebe, eupša go swanetše go kgaotša.

²⁶ Gobane ke swanetše go E tliša ka fale. Ke E beela kgole le dikereke le dilo go fihla ke . . . go go nna go E bolela. Gomme gona go ne boati bja dilo ka fa go yago go ya ka nna go E bolela, gomme kafao gona bošego bongwe le bongwe re a di hwetša.

²⁷ Eupša bjale, go tloga bošegong bjo go ya pele, go beng go bewa go go nagana ga lena ga semoya, le a bona, anke Moya wo Mokgethwa o no E inela ka gare. Gomme gona ge le ekwa le go se dumelane le Yona, nno tlogang gomme le re, “Ngwanešu Branham wa go šokiša, ga—ga a tsebe ka kgonthe. Ke ya go mo rapelela.” Gomme le dira seo, gomme gona ke tla . . . Morena o tla ntira ke tsebe se e lego Therešo gona, eupša le no nkwelabohloko, gomme le se—le se nkgafele thoko. Kafao gona seo se ka ba therešo, gape, eupša, oo, ke iketlile kudu go naganeng ka tsela ye. Kafao e no kgohlaganya se sengwe le se sengwe. Gomme nna, oo, nka—nka no ba phošo; eupša go ka no ba phahla fa felotsoko yeo ke sa tsebego selo ka yona, kafao mohlomongwe le a dira, gomme le rapela Morena o tla mpontšha yona.

²⁸ Gomme bjale, le ka godimo ga dilo tšohle, tšwelangpele le rapelelane seng sa lena gomme le se tsoge la dumelala diabolo go bontšha kgalako e ka ba efe e ka ba kae. Le a bona? Bolokang disoulo di sekile ka iring ye, gobane re mo diiring tša go tswalela tša histori ya lefase. Le a bona? Re bofelong, bagwera, ntle le pelaelo.

²⁹ Ge re etla tlase go bapa mabaka a a kerekere, re ya go hwetša gabotse ka pejana, gomme mohlomongwe ka moka bontši bja yona bošegong bjo. Re bontši goba bonnyane go thekgeng le go hwetša bokamorago moo re swanetšego go e tswalela, gomme go bošegong bjo re utolla dilo tše dingwe tša semoya tša kgonthe. Elelwang bjale, ke e boletše, le swanetše go apara go nagana ga lena ga semoya. Eupša šetšang Mangwalo, go swanetše go ba *ka go* Mangwalo, gomme go swanetše go ba *ka* Mangwalo. Le a bona? Bjale elelwang . . . Feela tsebo ya Lentšu, ya go re, “Gabotse, ke ile sekolong se se phagamilego. Ke ile sekolong sa Beibebe. Ke ile kholetšheng.” Seo ga se bolele selo. Bafarisei bohole Basadusei ba dirile selo sa go swana, gomme ba hlaeditše go tsebeng Jesu ka dimaele tše milione. Le a bona?

³⁰ Mangwalo, kutollo ya Mangwalo, “e fihletšwe mahlo a bahlale le batlhaologanyo, gomme e utolotšwe go masea bjalo ka ba ba ithutago.” Kafao anke lena le nna re be masea gomme re no hlohlola dipelo tša rena, gomme re re, “Morena, Wena—Wena re botše, gomme rena—rena re theeditše.” Gomme gona swarang tirišo ya semoya. Bjale elelwang gore, mantšu ao a tla bolelwago go tloga bošegong bjo go ya pele, swarang tirišo ya semoya, gobane re tla ka go lebaka la kerekere la sephiri kudu.

³¹ Bjale, ke a nagana seo e be e le sohle. Bjale elelwang gosasa bošego, re go lebaka le lengwe la kerekere bošego bongwe le bongwe. Gomme ke ne kgonthe gore re ka ba le nako ye ntši gosasa go tsea letšatši lohle go ye, gomme morago gosasa bošego gape. Eupša, le a bona, ba bantsi ba bona ba tla be ba šoma gomme ke tla leka go no hwetša wona mabalankwe a molaetša wo, go betha mafelo ao a boletšwego fa, ao le ka kgonago go tsea le lengwe le ona gomme la no ya pele, go e kitimišetša ntle go fihla go no se be le go bolela ke kae e tla yago. Le a bona? Eupša . . . Gomme gona le ithute yona kua gae, gomme ke tla be ke le rapelela, gomme lena le nthapelela, gomme Modimo a re šegofatše mmogo bjalo ka bana ba Gagwe ba go dumela.

³² Bjale pele re thoma, ke a makala ge eba go ka se be boima kudu go lena ge re ka ema.

Gomme le tseba gobaneng ke rata go ema le go rapela? Jesu o rile, “Ge le ema, le rapela, rapelang, ‘Tatawešo Yo a lego Legodimong.’ Gona swarelanang lena seng.” Le a bona? Gomme gona Gideone o hlaotše madira a gagwe nako ye nngwe ka bona bao ba hlabilego thedi le go inamela fase gomme ba kgapa meetse, goba bona bao ba emeletšego gomme ba hwetša meetse.

Le a bona? Kafao bona bale ba welego, bao ba bego—ba bego ba ikadilefase bonabeng pele ga medingwana, gomme ba be ba se ba swanelo go ya. Kafao, yena yo a emego le mahlo a gagwe a šeditše nako yohle. Ke ka tsela yeo re dirago, go ema le go rapela. Bjale, ke dumela go go khunameng le go rapela, le gona; eupša, go ema le go rapela, ke a nagana go no ra se sengwe go renal, ka mokgwa tsoko.

A re inamišeng dihlogo tša renal bjale, pelo ye nngwe le ye nngwe e iname le yona:

³³ Wa mogau Tate wa Legodimong, bjale ka ge ka go felela re batamela Terone ya Gago ya toka. Gomme ga re tle go Go kgopela go re fa toka, gobane bohole re ka fedišwa, eupša re a tla, re phophotha “Kgaogelo, O Morena!” Tšhollela ntle godimo ga renal, bošegong bjo, ga Moya wo Mokgethwa wa Gago; e sego gobane gore re ne maswanedi, eupša gobane gore ga re ne maswanedi, le go e lemoga le go e lemošiša, gomme re tla e sego ka leina la renal beng, gobane ga la lekanelo. Ga re ne toka, goba—goba selo, toka ya renal ye kgolokgolo e tla ba mankgeretla a ditšila pele ga Gago. Kafao re tla ka go kokobela ka Leina la Morena Jesu, re Mo tliša pele ga renal, Madi a kgwerano ya Gagwe, re A rwele dipelong tša renal, gomme re re, “Modimo, re gaogege renal badiradibe ba ba phophothago bakeng sa kgaogelo mo nakong ya tlalelo.” Gore, ge letšatši le lengwe theroy ya mafelelo e tla rerwa, ga re tsebe e tla ba neng; nako ya mafelelo go tla ba le kgoa e eya sebakabakeng; Beibele e tla dula e tswaletšwe mo phuluphithing; dibetsa di tla kgobelwa; gomme dithapa di tla be di letšwa; letšatši le tla be le dikela. O Modimo! Nako yeo nkute, O Leswika la Mehleng, mo iring yeo.

³⁴ Gomme re a bona ga go na go phonyokga bjale, ga go selo eupša ka Wena. Re bona ditšhaba di a thubagana. Re bona Beibele e phethagatšwa. Re bona Israele e phafoga. Re bona Molaetsa go Kereke. Gomme iri e no nyakile e fedile, mo nakong ya dilo tše dikgolo go utollwa, gomme Mahuto a Šupago a butšwe.

³⁵ Modimo, Modimo, O Modimo, re gaogege, re phophotha bakeng sa kgaogelo. Gomme bjalo ka mohlanka wa Gago, ke phophotha bakeng sa kgaogelo go yo mongwe le yo mongwe ka Bogeneng bjo Bokgethwa bošegong bjo. Modimo, anke go se be le motho magareng ga renal yoo a nago le sebe soulong ya gagwe, eupša a e hlwekišwe feela bjale ke Madi a Morena Jesu, gore bohole re ke re kopane ka go lefelo lela la lethabo mošola ka kua ga lefaufau.

³⁶ Gomme bjalo ka ge ke batamela Lengwalo le bošegong bjo, Tate, oo, ga ka lekanelo. Modimo, ga a gona wa renal a lekanetšego. Re a dumela ga re tsebe selo, Tate, eupša ka go felela re botile Moya wo Mokgethwa gore O tla utolla go renal. Bjalo ka ge re menolla ka tsebo ya renal—ya renal ya monagano yeo O re

filego, histori, anke Moya wo Mokgethwa o fe tirišo ya semoya go dipelo tša rena. E fe, Tate, gobane re Go letile Leineng la Jesu Morwa wa Gago. Amene. Le ka dula.

³⁷ Ka go tema ya 2 ya Puku ya Kutollo, gomme kereke ya bobedi, lebaka la kereke ya boraro. Thoma . . . [Kgaetšedi o bolela ka leleme le lengwe—Mor.] Ntshwareleng.

³⁸ Tatawešo Yo a lego Legodimong, Leina la Gago a le kgethege. Mmušo wa Gago o tle, thato ya Gago e dirwe, ka lefaseng bjalo ka ge e le ka Legodimong. Re a Go kgopela go ba le rena, Tate, le go re šegofatša, le go re thuša go ba baagihlwahlwa ba bohlale mo nakong ye ya tlalelo magareng ga batho. Ge tlhakatlhakano le tšohle di kgatlampana, re thuše go ba bokaonekaone bja rena, Morena, go ba bahlanka ba Gago ka Leina la Kriste. Amene.

³⁹ Bjale, ke boletše seo pele, gore le ke le tsebe. Afa le lemogile tlhathollo ga se e tle go Lentšu? Kgaetšedi wa rena o be a tloditšwe ka Moya wo Mokgethwa, ga go pelaelo, eupša o file molaetša ka morago ga ge Lentšu le šetše le tlide ka gare, le a bona. Go no ba gannyane nthatana go tloga go lenaneo la selo. Bjale, seo se be se lokile, kgaetšedi morategi, e ka ba mang o lego. Moya wo Mokgethwa go wena, oo, go boima kudu go o swara ka tsela yela, ke a tseba. Go no ba boka . . . Goba ge o bolela sengwe se sengwe gomme . . . Le a bona, eupša go be go lokile; eupša ka kgonagalo o ikwetše wona ebole pele re thoma, o a bona. Gomme ke lebaka leo, o a bona, o tla morago ge Moya o šoma. Meboya ya ba ba profetago e laolwa ke baprofeta, o a bona. Ke lena.

⁴⁰ Bjale, mohlomongwe Moya wo Mokgethwa o a go tlotša gape, feela . . . ke a holofela O a dira, feela ka morago ga ge tirelo e fedile. Gomme le šetšeng tlhathollo e etla, le a bona, gobane e swanetše go ba nnete thwi ka lenaneong nako yeo, le a bona; eupša re no batamela Lentšu, le a bona, ka fa. Kafao, bjale, yeo ka kgonthe e bile Modimo, ka kgonthe e bile; ke a e dumela le go ikwela yona ka pelo ya ka yohle, gobane ke ikwetše bomorago bo etla go yona, le a bona. Eupša Moya wo Mokgethwa . . . e be e se nako. O ne molaetša go kgaetšedi bakeng sa kereke, eupša *fa* ke moo A šomago Molaetša wa Gagwe bjale. Le a bona, A ka se itlhakatlhakanye Yenamong, O bea dilo tšohle lenaneong. Ke ne kgonthe yo mongwe le yo mongwe o a kwešiša, le a bona, yeo e no loka.

⁴¹ Bjale ka go—ka go tema ya 2 ya Puku ya Kutollo. Gomme anke . . . Re thoma bošegong bjo ka—ka Lebaka la Peregam, tema ya 12. Bjale, bošegong bja go feta re tlogetše go temana ya 11:

Yo a nago le tsebe, anke a kwe se Moya o se botšago dikereke; Yo a fenyago a ka se gobatšwe ke lehu la bobedi.

⁴² Bjale, lebakeng la kereke ya mathomo, re hweditše Banikolaite ba thomile. Modimo o ikutollotše Yenamong bjalo

ka . . . Jesu o ikutollotše Yenamong bjalo ka Ramaatlakamoka Modimo: ga go yo mongwe, ga go dikarolo, ga go diripana tša Modimo, O be a le Modimo a nnoši.

⁴³ Bjale, ka go lebaka la kereke la bošegong bja go feta, re hwetša gore O eme mojakong gomme O ngwaletše dilo tše go kereke, le go ba botša ka bodiidi bja bona. Eupša O rile ba be ba le go . . . Banikolaite ba, le go ya pele, bao O ba hloile.

⁴⁴ Bošegong bja go feta ba be ba . . . ba rwele mphaphahlogo wa mohwelatumelo. O ba boditše go se boife, go iša lehung, gore O tla—O tla ba le bona. Gomme gona go yela ya mafelelo O rile, “Yo a fenyago! Yo a fenyago a ka se gobatšwe ke lehu la bobedi.”

⁴⁵ Bjale, ge go ne lehu le tee, gomme re tseba ka lona, gona go swanetše go ba lehu le lengwe felotsoko; gobane lehu le lengwe re le hwa fa mo nameng, lehu la bobedi re le hwa ka moyeng, soulo. Ke, “Gomme soulo yeo e dirago sebe ka kgontha e tla hwa.” Go hwa e no ba, “ka phethagalo go ya ntle go tlaga go se sengwe le se sengwe;” le a bona, lena le—lena le . . . Lehu le ra, “go tlošwa, e—e—e tlošitšwe, go fihlwa.” Gona ge baratwa ba rena ba ehwa, ga ba sa le gona bokgole bjoo re tsebago. Re bitsa seo lehu.

⁴⁶ Eupša Mokriste ga a hwe. Ga go ne Lengwalo gore Mokriste o a hwa, gobane o ne Bophelo bjo Bosafelego. Ge modiradibe a ehwa, o fedile, gomme soulo ya gagwe mafelelong e tla hwa. Eupša ge Mokriste a ehwa, o no ba a letile le Jesu go bowa morago gape. Oo, ke a holofela ke ne nako go fihla go seo mo bofelong bja pono ye bošegong bjo, go fao re tlaga morago; gomme le tla e bona, k fao e tlišago selo sela sa go swana sa lehu la bobedi. Tema ye ya go swana re lego go yona bošegong bjo e tliša selo sa go swana, gomme tirišo ye botse bjalo fa.

⁴⁷ Bjale—bjale, bošegong bjo, re ya go bala lengwalo le ka pela thwi, gobane ke ne tshedimošo tsoko—tsoko ya histori re nyakago go e hwetša pele, le go leka go se le swarelele botelele kudu. Bjale, go . . . morago ga ditirelo tše di fedile, nako e ka ba efe yeo ke balago se ka lebelo kudu, ge le nyaka go hwetša tirišo ya yona; Ngwanešu Mercier fa o ne yona yohle, ke neetše dinoutso thwi go yena; gomme a ka kgona gobane o ngwala pukung, o tla le fa e ka ba eng le tsebago . . . le—le nyakago go yona. Yeo e tla loka, Ngwanešu Mercier.

⁴⁸ Tema ya 12:

Go morongwa wa kereke ya Peregamo ngwala; Dilo tše go bolela yena yo a nago le tšhoša ye bogale ya magalemabedi;

Ke tseba mediro ya gago, le mo o dulago gona, ebile . . . setulo sa Sathane . . . gomme o swere leina la ka go tiša, gomme ga se wa latola tumelo ya ka, ebile le ka matšatšing ale Antipa e bego e le mohwelatumelo wa go botega wa ka, yo a bolailwego magareng ga lena, moo Sathane a dulago.

Eupša ke ne dilo di se nene kgahlanong le wena, gobane o sa ne ba bangwe moo ba ba swerego thuto ya Bileama, yo a rutilego Balaka go lahlela dikotanašitiši pele ga bana ba Israele, go ja dilo tše di hlabetswego medingwana, le go dira bootswa.

Kafao o ne gape bona bao ba swerego thuto... (ke mediro morago fale ka go Efeso, bjale e fetogile "thuto")... thuto ya Banikolaite,... (Le elelwa ke le botša seo bosegong bjo bongwe, ka fao e bilego go batamela go seo? Mediro ka Efeso, bjale ke "thuto")... thu—thu thuto ya Banikolaite, dilo tše Ke di hloilego. (Uhm!)

Sokologa; goba go sego bjalo Ke tla tla go wena ka pela, gomme ke tla lwa kgahlanong le bona... (e sego Kereke ya kgonthe)... le bona ka tšoša ya molomo wa ka.

Yo a nago le tsebe, anke a kwe se Moya o se botšago dikereke; Go yo a fenyago Ke tla mo fa go ja mana wo o utilwego, gomme ke tla mo fa (yena) letlapa le lešweu, gomme ka letlapeng leina le leswa le le ngwadilwego, le go sego motho a le tsebago ge e se yo a le amogelago.

Bjale Morena a oketše ditšhegofatšo tša Gagwe go Le, gomme a re thuše bjale ge re leka.

⁴⁹ Bjale go bokamorago bja kereke ye. Ke lebaka la kereke la boraro, le bitšwago Peregamo. Gomme le—le letšatšikgwedi leo kereke ye e bilego gona e bile go tloga ka 312, A.D. 312 go fihla 606.

⁵⁰ Lebaka e bile: thuto ya maaka, Sathane a aketša, motheo wa pušo ya bomopapa, le lenyalgo go kereke le mmušo.

⁵¹ Moputso e bile: mana a a utilwego, letlapa le lešweu.

⁵² Gomme naledi, morongwa wa kereke ye, ka tšohle tše Moya wo Mokgethwa o ntumeletšego go dira, ke hlaotše Mokgethwa Martin. E bile ku—ku kutollo ke e filwego go yona, ka lebaka go baleng ga bakgethwa ba bangwe mo nakong yeo. Ke hlaotše Mokgethwa Martin ka lebaka la gore o be a le monna wa bomodimo, go kgopoloyya ka o be a le makga a lesome moapostola kudu go feta Mokgethwa Patrick a bile.

⁵³ Bjale, Mokgethwa Patrick o be a le motlogolo wa Mokgethwa Martin; kgaetšedi wa Mokgethwa Martin e be e le mmago Mokgethwa Patrick. Gomme Mokgethwa Martin o be... nneteng, yoo o be a le malome wa Mokgethwa Patrick.

⁵⁴ Bjale, bophelo bja gagwe bo bile go tloga A.D. 315 go fihla 399. Bjale lebaka šele ke mo hlaotše go phala bakgethwa ba bangwe ba letšatši leo, ka lebaka leo a itshwereco yenamong. Gomme ka tlase ga tšušumetšo ya Modimo, ga ke dumele gore...

⁵⁵ Bjale, kereke ya Katoliki ga se e mo dire mokgethwa, ga se ba mo iša felo, gomme leo ke lebaka le lengwe ke mo hlaotšego. Uh-huh, uh-huh. Gomme tšohle tše re di bonago, tše di nago bodiredi bja semoya, kereke yela ya pele e di ganne. Ke—ke kereke ya Bonikolaite e e ganne ka lebaka la dilo tše: ba be ba le ba semoya. Gomme bjalo ka ge ke thadile fa, Kereke e be e pitlilwe ntle gomme thuto ya Bonikolaite e be e le—e le ka bontši; gomme Kereke ya therešo e be e le ka bonnyane, e bile ka mehla.

⁵⁶ Gomme boka ke boletše go tloga mathomong, ke Jesu a rilego, “Se boife, mohlape wo monnyane, ke thato ya Tate wa gago go go fa Mmušo.” Ke ka lebaka leo ke dirišago Mmušo go Mmušo wa semoya. Gomme re...ne Mmušo wa semoya, gomme re thabile kudu ka seo, le Kgoši ka Mmušong wo. Elelwang, ke Yena Kgoši ya bakgethwa, (*ba ba kgethegilego*), ke Yena Kgoši ya bona yo a ba etagopele.

⁵⁷ Bophelo bja Mokgethwa Martin bo be...ke bjo bongwe bja maphele a magologolo a go tlala ka mehlolo kudu a e ka ba mang ka go mabaka a kereke. Tsela yohle go tloga go Mokgethwa Paulo, o be a le yo mongwe wa monna wa semoya kudu. O be a...

⁵⁸ Wo mongwe wa mehlolo ya gagwe ya mathomo e bile... O be a le lešole, le go thoma, ke a dumela. Gomme morago letšatši le lengwe o be a etla hleng gomme go bile yo mongwe... Mo—mo monna a robetše, a tonya le go thothomela, gomme batho bohle bao ba bego ba rata...goba, ba sa rate, eupša ba be ba kgona go thusa monna, ba nno mo feta boka mo—mo moprista le Balefi ba dirile go *Mosamaria wa go Loka*. Eupša ge Mokgethwa Martin a etla hleng, go lemogeng mošomo wa gagwe bjalo ka modumedi wa Mokriste, o be a ne jase e tee, kobo godimo ga magetla a gagwe, o e ripile ka bobedi ka tšoša ya gagwe gomme a fa seripa sa yona go mokgopedi, o tšere seripa se sengwe. Gomme bošegong bjoo o thomile mošomo wa gagwe, ka gore, Jesu Kriste o bonagetše go yena, ka pono, a potokilwe ka go kobo ya go swana yeo a e ripilego ka bobedi; ye e phethagaditšego Lengwalo, “Bontši ge le diretše go ba, le diretše Nna.”

⁵⁹ Kafao tšeang seo bakeng sa thutwana. E ka ba eng o e direlago yo mongwe, o e direla Kriste. Nno elelwang. Bjale lena... A re boleleng seo mmogo [Ngwanešu Branham le phuthego ba bolela sammaletee—Mor.]: “Se o se direlago ba bangwe, o se diretše Kriste.” Kafao ga go kgathale ke eng a e naganago ka wena, ke se o se naganago ka yena, o a bona, se se tlisago tšhegofatšo.

⁶⁰ Woo e bile mohlolo wa gagwe wa mathomo le mathomo a bodiredi bja gagwe. Go ne bontši kudu go yona, nka—nka se be le nako. Gobane ke le nyaka morago gosasa bošego le bošego bjo bongwe le bjo bongwe, kafao ga ke nyake go le swarelela botelele kudu.

⁶¹ Go lokile, mohlolo wa go latela woo ke kgethilego go bolela ka wona bosegong bjo.

⁶² O be a fetšiša bohetene ka phethagalo, gomme o be a le kgahlanong le kereke ya Roma ka thata. Ka phethagalo ga se a dumelane le dipišopo tšohle tša kereke ya pele ya Roma, o... ba be ba eba selefase le go ya pele ka mokgwa woo, gomme o emelane le bona. Ka nnete o bile kgahlanong le bona. Woo ke mohlolo gore ebile o phetše ka go yona mehuta ya dinako. Bjale...

⁶³ Eupša o be a fetšiša thokgola ya bohetene letšatši le lengwe, le go pšhatlaganya aletara ya bohetene, gomme go be go ne mohlare wo mokgethwa o eme kgaušwi le aletara ya bohetene. Gomme o be a rema mohlare wo, gomme ba bantsi ba emego hleng ba sa e rate. O rile, "Ge ke le monna wa Modimo... Ntlemeng ka tsela yeo mohlare o sekametšego gomme anke mohlare o nkwele. Ge ke le monna wa Modimo... Ge ke se monna wa Modimo, mohlare o tla mpolaya. Ge ke le monna wa Modimo, Modimo wa ka o tla retollela mohlare wola felotsoko go gongwe." Tlhohlo ka nnete! Kafao ba thomile go rema mohlare; gomme ge mohlare o thoma go wa, o sokologile go dikologa gomme wa bolaya sehlopha sa babogedi. Modimo o o retolletše morago go rotoga thaba. Mohlolo! Oo, nako yohle go bile mehlolo kopanong ya gagwe.

⁶⁴ Mohlolo wo mongwe woo ke nagannego go bolela ka wona, e be e le lesea le le hwilego leo a beilego mmele wa gago go kgabaganya. Gomme le tsogetše morago bophelong gape, ka morago ga ge a rapetše lebaka la nako ye e rilego bakeng sa lesea le.

⁶⁵ Wo mongwe wa go ikgetha go nna, e bile mmušiši. Gomme o be a eya go bolaya ba bangwe ba batho ba Modimo ba go tlala ka Moya wo Mokgethwa. Gomme ka nnete o be a le mogwera wa—wa pišopo ya kereke ya pele ya Roma, mo nakong yeo, gomme gabotse o be a le mopapa pele a ka bitšwa mopapa. Leina la gagwe e be e le D-a-m-a-s-u-r, gomme o be a bolaya Bakriste bohole ba a ka kgonago go ba swara go ba bolaya. Gomme—gomme mosadimogatša wa mmušiši yo, mohetene, le leswiswi pelong ya gagwe.

⁶⁶ Gomme ge mokgethiwa yo Mokgethwa Martin yo a tlie go phophothela, mosadimogatša wa gagwe o e gateletše go yena gore o tla leka go phophothela bakeng sa Bakriste go se bolawe. Nnete, ge bofelong a fihlile go yena, ga se go dire botse e ka ba bofe, gobane o be a no ba mogwera wa mopapa yo; kafao o bolaile Bakriste bale ba go tlala Moya wo Mokgethwa go le bjalo.

⁶⁷ Eupša Mokgethwa Martin o nyakile polelotherišano le yena, gomme bahlapetši ba mo thibetše mo keiting. Gabotse, Mokgethwa Martin o wele ka sefahlego sa gagwe gomme o letše fale gomme o rapetše go fihlila Modimo a mmontšhitše go ya

ka gare. Ge a tsogetše godimo go tloga fale, o sepeletše go yona mejako ye e notletšwego gomme ya ipulegela ka boyona, a sepelela pele thwi.

⁶⁸ Bjale, ye ke histori, yo ga e no ba yo mongwe a ngwala ka yena, gomme feela bjalo ka ye nnyane... Ge e ka ba eng, ba tla tšea lehlakore, ge e ka ba kereke tsoko e bolelago; goba, ke tla re, ga nnyane, kudukudu kereke ya bomopapa, ba ka se bolele ka dilo tšela. Eupša, le a bona, histori e tsopola therešo. Le a bona?

⁶⁹ Gomme monna yo o sepeletše godimo, Mokgethwa Martin, gomme thwi go feta mohlapetsi yo mongwe le yo mongwe, le se sengwe le se sengwe gape, thwi ka gare go pele ga mmušiši. Gomme mmušiši ga se a nyaka go hlompha mohlanka wa Modimo. Le a tseba, seo—seo ga—ke go hloka mekgwa. Kafao o nno retolla hlogo ya gagwe gomme ebile a se nyake go mo hlompha. Le a tseba Modimo o dirile eng? O lekile go bolela le yena gomme o no ya pele hlogo ya gagwe e retologile, gomme Modimo o be a eya go dira mohetene yo go hlompha mohlanka wa Gagwe. Kafao O nno tšuma selo, gomme se mo fišitše gohle go tloga setulong sa gagwe, sa mo iša godimo, go mo dira a emelete.

⁷⁰ Bjale seo—bjale yeo ke histori ya Beibebe, *Nicene Council*. O ile a swanela go hlompha mohlanka wa Modimo; O ile a mo dira a emelete. Ebile e fišitše setulo moo a bego a dutše; mollo o ile go kgabola mmele wa gagwe le go fiša bottlase bja setulo, gomme o ile a swanela go tabogela godimo go tloga fao. Modimo o ne tsela ya go dira dilo, le a tseba. Uh-hum. “Modimo o a kgonka matlapa a go tsošetša Abraham bana.” Gomme le a elelwa, gore Modimo wa go swana o dula magareng ga rena bošegong bjo. Ke Modimo wa go swana. Go lokile.

⁷¹ Gomme gona wo mongwe ke o ratago, gomme morago ke tla ema. Ke ne ye mengwe fa, eupša ke fihla... Bjale wo ke be ke o rata kudu, ge tšatši le lengwe a be a letile bakeng sa batho ba gagwe, thapelong ka kamoreng ya gagwe ya boithutelo.

⁷² Gomme o—o be a le monna yo mogolo, gomme o rwele Kereke ye ya go tlala Moya wo Mokgethwa, le go re kgeila bohole... Oo, o be a le...bile le bona bohole ba tladišwe ka Moya, phuthego ya gagwe yohle. Gomme bohole ntle gohlegohle go naga yohle, Bakriste ba dirile mehlolo le maswao le matete.

⁷³ Le a boona, Modimo o bolela le motseta wa Gagwe, motseta o bolela le maloko. Gomme gona seo ke se se diregago, le a bona, O—O boloka maloko le yena go swana ka go Modimo; le a bona, Moya wo Mokgethwa o elela go kgabola sehlopha sa bona.

⁷⁴ Dinako tše dintši ge ba dirwa go hwela tumelo, ba eme modiredi thwi magareng ga bona (ka mokgwa *woo*) gomme ba ba bolaile bohole ka nako ya go swana. Gomme ke mabobe afe ba a dirilego bona batho! Ba ba tšhumile. Ba tšere banna gomme ba ba kokotetše ka...tlase go dikota, le go tlamolla mahlalerwa, goba...le go a tlogela a je go tloga ka bomorago bja motho, a

goga mala a bona go kgabola pele motho a ka tsoge a hwa. Ba tšea basadi, ba tla ripa letswele la bona la go ja, gomme ba ba dira ba eme fale ge pelo ya bona e rethetha, gomme e no tsorotla go fihla ba tepogetše pele, ba ehwa, ka mokgwa woo. Ba tšea bana ba bona go tšwa go bomme ba baimana gomme ba ba fepa dikolobe le dilo, ba dira bomme ba eme le go e bogela. Le mehuta yohle!

⁷⁵ Bjale, le ka se nagane gore batho ba ipoletšego Bokriste ba ka dira seo. Eupša theetšang, Beibele e rile, Jesu o rile, "Go tla direga gore ba tla le bolaya, ba nagana ba direla Modimo tirelo." Le a elelwa, Jesu yola wa go swana yoo a boletšego seo, ka Moya wa go swana, o e akanyetšepele gape mo nakong ya bofelo. E swanetše go tla. Ge tše dingwe tše di bethile feela ka phethagalo le Lengwalo, šetšang gomme le bone ge e sa sepedišane tlwa ka Lengwalo le ka histori. Modimo o rile e tla direga, histori še e rile e diregile; Modimo o rile e tla direga fa, gomme šefa mo e diregilego. Le a bona, feela tlwa. Gona re ya go dira eng ge re etla tlase go Lebaka la Kereke la Laodikia (le a bona, moo re lego bjale) le madimabe le dilo di kwagaditšwe kgahlanong le lona?

⁷⁶ Kafao, bjale, gona ye, o be a le ka fale a rapela ge phuthego ya gagwe e letile. Gomme go be go ne mokgopedi a tla lebating gomme o kokotile lebating la gagwe, gomme o butše lebati (gomme o be a feafea), gomme o mmoditše o be a nyaka se—se seaparo. O be a hllobotše gomme a se na selo, go be go tonya, gomme o rile... O mo rometše tikologong go bona motikonemogolo. Gomme motikonemogolo o be a ferekane ka yena gomme a mo rakela ntle. Gomme ge a dirile, o ile go dikologa, o tla morago gape gomme o boditše Mokgethwa Martin gore—gore mo—mo motikone o mo racketše ntle.

⁷⁷ Gomme kafao gona, e ka ba nakong yeo, motikonemogolo yo o tla morago gomme o mmoditše ka mohuta wa go kgadimola, gore, "Phuthego ya gago e go letile! O ba dibile!" Eupša o be a le thapelong. Go kaone a dule thapelong go fihla a ikwela go hlahlwa ke Modimo go ya ntle.

⁷⁸ Gomme mokgopedi yo o tla morago lebating. Gomme Mokgethwa Martin o apotše seaparo sa gagwe mong se sekaone gomme a se fa mokgopedi, gomme o bile le mo—mo—mo motikonemogolo go ya le go tšea se sengwe le go se tliša go yena. Kafao o ile a swanelo go hwetša seaparo, go le bjalo, gomme a se bea godimo ga Mokgethwa Martin. Gomme o apere seaparo sa majajana pele ga batho sebakeng sa seaparo sa gagwe se sekaone.

⁷⁹ Le a bona go no ya go bontšha: efa bokaonekaone bjoo o nago nabjo, efa bophelo bja gago, efa nako ya gago, efa se sengwe le se sengwe go Kriste. Gomme Moya wola wa go swana woo o phetšego ka go Kriste, o phela ka go lena, le—le khuetšo ya gago ka boagišaneng bja gago le godimo ga batho bao o mekanago le

bona, go tla ba kudu bjalo ka Kriste go fihla go tla šoma selo sa go swana Kriste a dirilego.

⁸⁰ Mafelelong go tla direga gore batho ba patlame merithing gomme ba fodišitšwe. Yeo—yeo ke nnete, feela maatla a mantsi bjalo a lerato go ba dikologa. Gomme ba boletše gore “Ge Mokgethwa Martin a be a rera, morago ga ge a tlile a apere kobo ye ya majajana, gore phuthego ka moka e lemogile go kganya ga Seetša gohle go mo dikologa.” Uh-huh. Le a bona? Le a bona, gobane o be a dirile selo sa maleba.

⁸¹ Ka mehla dira gabotse, ke mošomo wa gago go Modimo; nagana gabotse, woo ke mošomo wa gago go wenamong; gomme o swanetše go tšwelela gabotse. Yeo ke nnete, o no swanelo go dira.

⁸² Bjale, re nyaka go thoma bjale go lekeng go tšea se go kgoboketšo ya ditlhalošo, bošegong bjo, gobane E dirišana fa ka maatla kudu.

Bjale, go morongwa wa kereke ya Peregamo ngwala;
Dilo tše gore go bolela yena yo a nago le ye bogale
bedi- . . . tšoša . . . tšoša ya magalemabedi;

⁸³ Bjale ke nyaka le lemoge O itsebiša Yenamong gape bošegong bjo ka Bomodimo. Kereke ye nngwe le ye nngwe e be e le le lengwe la leemo la Gagwe la go tagafatšwa: Yena yo a bilego le dinaledi tše lesomapedi . . . goba “dinaledi tše šupago ka seatleng sa Gagwe, Yena yo a nago le tšoša ya magalemabedi,” le a bona, sengwe se sengwe, “Yena yo a nago le maoto a mphiri, mahlo a a kitimago ka . . . dikgabo tša mollo.” O itsebiša Yenamong morago go Bomodimo bja Gagwe.

⁸⁴ Bjale le re, “Bomodimo bo kae ka go se, ‘Yena ka tšoša ya magalemabedi e etšwa molomong wa Gagwe?’”

⁸⁵ Gabotse, tšoša ke “Lentšu.” Bahebere 4, re e tsere mo mathomong ge re be re šetša Bomodimo bja Gagwe morago. Tšoša, re hweditše ka go Bahebere 4:12, yeo e be e le, “Lentšu la Modimo le be le le bogale go feta tšoša ya magalemabedi.” A yeo ke nnete? Yeo e be e le Lentšu la Modimo. A ke yeo? Bjale šetšang, le na- . . . hwetša ditlhalošo tše. Bjale lotang mohlala wa Lentšu leo, Mokgethwa Johane 1, “Mathomong” (moragorago) “go be go le Lentšu leo le hlotšego magodimo le lefase.” A yeo ke nnete? “Gomme Lentšu le le le le Modimo, gomme Lentšu le be le le Bomodimo. Gomme Bomodimo bo dirilwe nama gomme bo dutše magareng ga rena.” A yeo ke nnete? “Lentšu le dirilwe nama gomme le dutše le rena.”

⁸⁶ Gomme šo O eme fa, Yena kua mathomong, “Bolela se go morongwa wa kereke ya—ya Perega- . . . Peregamo. Bolela se go yena, ‘Ke Nna Lentšu la Modimo.’” Oo, re Mmona godimo ka go Kutollo, a etla ka seaparo sa Gagwe se inetšwe mading, mphaphahlogo hlogong ya Gagwe, a nametše pere ye tšhweu, gomme seropeng sa Gagwe go ngwadilwe, “Lentšu la Modimo.”

Oo, ke rata seo. Ke Yena Lentšu, Lentšu la Modimo. Kafao re bona Bomodimo bjo gona mo mathomong, go itsebiša Yenamong, ke Yena Lentšu.

⁸⁷ Bjale, ge Yena a le Lentšu le le phelago, gona Le le ngwadilwego mo Beibeleng ke karolo ya Gagwe; gona ge o ka kgona go amogela Le, ka go Yena (e lego Lentšu), Lentšu le le tla ka go wena ka tumelo, e Le dira le phele, gobane... Oo! Swarang Seo! Lentšu le tla ka go wena, ge Moya wo Mokgethwa o le ka fale, le a phela ka pela ge le etla ka gare, gomme tshepišo ye nngwe le ye nngwe e a rereša. Ga go selo... “Kagona, ge o re go thaba ye ‘Sutha,’ gomme se belaele pelong ya gago.” Gobane (eng?) o Bomodimo bo bolela. O a e dumela? Beibele e boletše bjalo. Gomme e ka ba eng o e bolelago e tla phethagala ge o ka se belaele, ge o ka kgona go ntšha tšohle tša—tša lefase di emerego go tšwa go wena, wa dumelela Moya wo Mokgethwa go go dira morwa le morwedi wa Modimo wa go tlala: ga go lefase, ga go go lahlwa, ga go pelaelo. Ke eng, gona? Ga e sa le wena, ke Modimo ka go wena. Gona o tšea Lentšu la Gagwe, ke tshepišo, gomme wa re, “Tate, ke tshepišo ya Gago.” “Sathane,...” Sengwe se swanetše go šutha. Le a bona? Le a bona?

⁸⁸ Bjale, o ka se dire seo go fihlela Modimo a utollotše go wena nako yeo se taba yeo e tla bago. Le a bona? Gona ge o tseba se taba yeo e tla bago, gona o ka bolela, boka Jesu. O be a le Lentšu. A yeo ke nnete? Gomme efela Jesu, motho, tabarenkele, o rile, “Ga Ke dire selo ntle le ge Tate a Mpontšha pele.”

⁸⁹ Gona ga se Lentšu nako yeo go fihlela le dirwa go bonagatšwa go wena. Le a e hwetša? Ga go makatše batho ba re “matšatši a mehlolo a fetile,” Lentšu ga se le bonagatšwe go bona. Ga go makatše ga ba kgone go dumela go Moya wo Mokgethwa, Lentšu ga se le bonagatšwe go bona. Ga go makatše ga ba kgone go bona kutollo ya kolobetšo Leineng la Jesu Kriste, Lentšu ga se le bonagatšwe go bona go le bjalo; gomme efela ga ba ne Lengwalo le letee go ya go lona, ga go lefelo moo e ka ba mang a kilego a kolobetšwa ka tsela ye itšege ye nngwe.

⁹⁰ Ka ga Moya wo Mokgethwa, Beibele e boletše gore “Ga go motho a ka go bitša Jesu Kriste, fela ka Moya wo Mokgethwa,” gomme batho gona ba re ga ba dumele gore Moya wo Mokgethwa ke nnete. Le a bona? Le a bona, ga se go dirwe go bona. Jesu o rile, “Ga go motho a ka tlago go Nna ntle le ge Tate wa Ka a mo goga pele. Gomme tšohle Tate a ilego” (lebakal e lefetilego) “a Mpha di tla tla go Nna.” Oo, a seo ga se se sebotse! “Tšohle tše Tate a Mphilego, di tla tla go Nna. Ga go le o tee wa bona a tla lahlegago ge e se morwa wa tahlego, gomme Ke tla... (o belegetše morero woo), gomme Ke tla mo tsošetša gape ka letšatši la mafelelo.”

⁹¹ Oo, nna! Fao ke moo maina a rena a beilwego go Puku ya Bophelo ya Kwana: go tloga motheong wa lefase. A seo ga se se sebotse! Re ka belaela bjang?

⁹² O Modimo, tloša pelaelo go tloga magereng ga rena, nno bolotša dipelo tša go šokiša tša rena tša setho go fihla go se sa le pelaelo magareng ga rena. Yeo ke thapelo ya ka. Nno pshikološa pelaelo ye nngwe le ye nngwe, Morena. Anke ke phele ga bose, ka go kokobela, gomme ke sepele bjalo ka—bjalo ka kwana ya Modimo mo lefaseng. Anke—anke ke sepele boka A sepetshe. Anke ke bolela boka A bolela. Anke maikemišetšo a ka a be boka maikemišetšo a Gagwe. Anke—anke ke... Anke ba bangwe ba hwetše Jesu ka go nna. Anke ke lahlegelwe ke nnamong gomme ke e hwetše, Morena, ka go Wena. Ke yona, anke ke no lahlegelwa ke nnamong gomme ke e hwetše ka go Wena; feela go no pipetswa ka go Kriste go fihla go se sekgoba bakeng sa pelaelo, feela se A se bolelago.

⁹³ Bjale, o se ye ntle fa gomme wa re, “Letago go Modimo! Haleluya! Tumišang Modimo! Le bona se nka se dirago? Letago go Modimo!” Ga se o šo wa E hwetša. Ga se ka tsela yeo A e dirilego, aowa, a tekola kgara ya Gagwe gomme a re, “Le bona se nka se dirago? Ee, mohlomphegi. Ke nna se-...” Aowa. Ga se nke A ke a tšeа tumišo bakeng sa lefeela, O e file go Modimo gomme a sepela ka go kokobela le ga bose, ka moyo wo bjalo go Mo dikologa go fihla batho ba nno rata go ba tikologong ya Gagwe. Ke feela manaba a Gagwe... Gomme O ba ratile go lekanelo go fihla ebile A ba rapeletshe kgafekgafe, nako yohle. Gomme woo e be e le mohlala wa lena, mohlala wa ka, go dira go ba bangwe bjalo ka e A dirile go rena.

⁹⁴ Bjale, re nyaka go lemoga fa gape bjale, go temana ya 2, yeo e tla bago ya 13:

*Ke tseba mediro ya gago, le—le mo o dulago gona,
ebile...setulo sa Sathane... gomme o swere leina la ka
go tiuša, gomme ga se wa latola tumelo ya ka,...*

⁹⁵ Le a bona, ba phela moo setulo sa Sathane se lego, gomme go le bjalo ba bolokile Leina la Jesu. Le a bona, “Ga se wa latola tumelo ya Ka.” Ke mohuta ofe wa tumelo A ba filego? Tumelo ya Pentecostal, kua mathomong. Ba bile le tumelo ya Bonikolaita fale, kereke mokgatlo, le go ya pele, ba be ba pakelana godimo, kereke e etla go ba gona ka tlase ga mokgatlo; eupša O rile, “Le tlogile go yeo, le e hloile, le Nna ke dira bjalo. Gomme ga se le latole Leina la Ka; ga se le šale morago ditumelo tša bona tše nnyane tša kgale le dilo, le dutše thwi go otlologa go Leina la Ka. Gomme le sa ne tumelo ya Ka boka go bile mathomong.” Oo, ke rata seo!

*...la se latole tumelo ya ka, ebile boka bale mo
matšatšing ale... (ke a thankla le bitša leo A-n-t-i-p-
s)... Antipa e bego e le mohwelatumelo wa go botega
wa ka, yo a bolailwego magareng ga lena, moo Sathane
a dulago.*

⁹⁶ Ke ya go ema fale feelsa motsotso. “Setulo sa Sathane.” Re nyaka mokgwa wa go itšhidulla go dilo tše, ke nyaka le E sware. Ebang le kgonthel a dira, bjale. “Sathane, setulo.” Bjale, Modimo o boletše go Genesi moo setulo sa Sathane se bego se le ntshe, gomme moo e be e le Babilonia. Ka mehla go bile setulo sa Sathane, le ka go Kutollo go bile selo sa go swana. Eupša ge le ka lemoga, Babilonia e iphetotše yonamong go tloga go ya *bohetene* go ya go “ya bomopapa.”

⁹⁷ Gomme bjale mo mengwageng ya peleng, goba feelsa pele se se direga (mengwaga e se mekae), setulo sa Sathane se agile ye kgolo . . . ke a thanka le tla mmitsa mopri- . . . kgošimoprista wa Bakaladia. Tatelano ya bogolo ya Babilonia e fetotše setulo sa gagwe ge Baperesi ba be ba mo hломere, gomme o tlogile Babilonia. Leina la gagwe e be e le A-t-t-a-l-u-s, Attalus, kgošimoprista yo mogolo wa Babilonia. Ge Baperesi ba etla ka gare le go thopa Babilonia, ba rakela Bakaladia ntle; Attalus, kgošimoprista wa bona, o tshabile gomme a tsea setulo sa gagwe ka Peregamo. “*Setulo sa Sathane* ke moo le dulago.” Le a e hwetša?

⁹⁸ Bjale, ke ka baka leo ke yago morago go topa histori ye ka ntle ga histori ya kereke, go hwetšeng mo . . . go se se diregilego ge A rile, “O phela moo setulo sa Sathane se lego ntshe.”

⁹⁹ Ke naganne, “Gabotse, go ka ba kae fao, selo se rilego, ‘setulo sa Sathane?’” Morago ke hwetša gore kgoši ye kgolo ye, morago ga go tshabeng go tloga go Baperesia ba ba bego ba fenya bao ba thopilego (go ya ka pono ya Daniele), o tlide go toropokgolo ye ya Peregamo, ka Roma, gomme o dirile motsemošate wa gagwe fao. Sathane o tlošitše motsemošate wa gagwe go tloga Babilonia go ya Peregamo, moo (ka moso) o tla thoma Babilonia ye mpsha. Oo, nna! Bjale le hwetša bokamorago moo re lego ntshe. Go lokile.

¹⁰⁰ Bjale, gomme fao o dirile ngwanešu yo wa go makatša mohwelatumelo, o dirilwe mohwelatumelo fao, Antipa.

¹⁰¹ Morago a fetola meragelo ya gagwe. Pele o be a le mohlomari wa Bakriste. Oo, o be a hloile Bakriste bjang! Gomme o be a le kgošimoprista yenamong, mohetene ka tlhago le tsela. Morago o fetotše mokgwatebelelo wa gagwe gomme a tlemagana le Constantine.

¹⁰² Constantine ka mehla o be a tšeelwa (gomme o ka bomopapa lehono) setlogo sa Knights of Columbus, bjale, yena yo a filego keno yena ya madi. Eupša Constantine (ke bolela se ka tlhomphokgolo le ditlhompho), go tsela ya ka ya go e bala go tšwa go histori, ga se a ke a sokologa.

¹⁰³ Bjale, o lorile toro bošegong bjo bongwe, gore ge a ka . . . o bone sefapano, gomme o boletše gore ka se o tla thopa ntwa; gomme . . . gobane o be a tshepišitše dikimollo go Bakriste, gore o be a tla ba Mokriste, ge ba ka mo rapelela go thopa ntwa yela. Gomme ke eme hleng le leporogo fale, fao moo a . . . ka

lehlakoreng le lengwe la leporogo, o robetše, gomme o lorile toro ye; gomme a phafoga, gomme o pentile sefapano se sešweu mo dikotseng tša gagwe le tšohle tša bahlabani ba gagwe. Moo fao ke moo a bopilego Knights of Columbus ye e lego ka tlase ga pušo ya Katoliki ya Roma. Eupša ga se nke a dire se setee sa bodumedi; selo se nnoši seo a kilego a se dira seo se ngwadilwego go histori, bjalo ka ge nkile ka bona, e bile, o beile sefapano ka godimo ga Kereke ya Mokg. Sophia. (Huh!) Eupša o be a le radipolitiki, gomme ge a be a le mmušiši wa Roma nakong yeo, yena le moprista yo wa mohetene mmogo, ba tlemagane gomme ba tlišitše kereke ye bolelo e biditšwego Bonikolaite mo nakong yeo. Bokriste, bjo bo bego bo sekamela go boprista, gomme ba e nyakile ka kerekeng ya bona, yeo re e tšerego go dithuto tša ka moso tša kereke ya Efeso, le go ya pele, le—le ya Simirina; Banikolaite bale.

¹⁰⁴ Bjale Bonikolaite bo be bo fetogile . . . e sego “mediro” boka go bile morago kua mathomong *fa*, eupša *fa* ke “thuto.” *Fa* e be e le “mediro,” ba be ba no leka go bo tsenya; eupša godimo *fa* ka go lebaka la kereke la boraro bo fetogile “thuto,” baprista bagolo, baisa ba bagolo. Ba be ba sešo ba ba bitša bomopapa, bjale; eupša ba be ba bitšwa, boka, pišopomogolo, baisa ba bagolo, le a tseba, batsebalegi. Gomme thuto ya bona e be e le, e be e le, e be e le fomale.

¹⁰⁵ Ba be ba eya kgole go tloga go ya go tlala Moya, Kereke ya go etwapele ke Moya wo Mokgethwa. Ba ba lesitše ba sepela ka bonnyane gomme ba ba bitša “mahlanya,” gobane ba be ba sa dumelelane le bona go ba le dikereke tša maina tše kgolo tše. Eupša Kereke e nyakile go dula ka tokologo ka tlase ga pušotaolo, ka tlase ga maatla a Moya wo Mokgethwa bjalo ka ge Kriste a ba tshepišitše; O be a tla ba le bona, gomme yoo o be a le Kgoši ya bona. Oo! Kgoši ya bona!

¹⁰⁶ Kereke ya therešo ga se nke ya ke ya fetola mokgwatebelelo wa yona, go se bušwe ke poto tsoko ya—ya . . . Ga ke tsebe le ba bitša eng ntle fale, bakhadinale, le dipišopo, le bomopapa, bona bagosešitwe. Re dumela go ne o tee Yena mosesitwe, ke Yena Kgoši ya rena, Ke Jesu Kriste le rena bjale ka sebopego sa Moya wo Mokgethwa; Modimo ka go rena, a phela magareng ga rena, a re etaapele le go re hlahlela meetseng a Bophelo, a itsebiša Yenamong; go laetša, bjalo ka ge a dirile magareng ga bakgethwa ba peleng le bahwelatumelo, gore O be a le Morena Modimo wa tlholo, a fodiša balwetši, a tsoša bahu, a bontšha dipono, a lelekela bodiabolo ntle.

¹⁰⁷ Ga go nako e tee nka tsogego ka budutša selo se setee, go tšohle dipišopo tša kereke ya Bonikolaite yeo e bopilego tatelanoyamaemo ya Roma, mopapa; ga go nako e tee ka go histori re hwetšago rekoto ya e ka ba ofe wa dipišopo a kile a tsoša mohu, goba e ka ba eng boka seo, gobane Kriste (tsogo) o be a se dipelong tša bona. Ba be ba tlemane gomme ba hlahlathile

bakeng sa kereke ya leina, ba rekiša ditokelo tša bona tša tswalo. Eupša Kereke ya Modimo yo a phelago e bile le maatla a Kriste, ye nngwe kereke e bile le bahlomphegi ka go yona; eupša Kereke ya therešo e dutše le Moya. Afa le a kwešiša? Go lokile.

¹⁰⁸ Bjale yo... Kafao Constantine, go rokaganya mmušo wa gagwe mmogo, sese se a se dirilego. O tšere Banikolaite bale, gomme o ile le bona (e bego e le sebopego sa Bokriste). Afa le e kwešiša go hlaka? Ba be ba le Bakriste, ba bitšwago bjalo; Bakriste ba go ipolela, ntle le Moya wo Mokgethwa. Oo, ke duma seo se nwelele gore le se tsoge la se tlogela. Le a bona? E be e le Bakriste, Bakriste ba kereke ya leina, ntle le Moya wo Mokgethwa. Ba be ba le Bakriste ka leina, ba be ba le Bakriste ka go kopanela mmogo ga bona, ba tšere selalelo, gomme ba bolokile ditaelo; eupša, ba ganne boetapele bja Moya wo Mokgethwa. Ga se ba be le maswao le matete magareng ga bona, ba tleleimile dilo tšeo di be di fetile; gore ba be ba swanetše go beakanya kereke bakeng sa go rena. Re tla tla go yona mo motsotsong, ke mohuta ofe wa go rena. Le a bona?

¹⁰⁹ Bjale, kafao gona Kereke ya Moya wo Mokgethwa e ile ya swanela go se ikamanye Yonamong le dilo tše bjalo. Eupša, ka Peregam, e be yohle e lebišitšwe go *morongwa* wa kereke ya Peregam. Le a bona? Gobane E be e le maikarabelo a gagwe bjale go dira se.

¹¹⁰ Eupša Constantine o be a se ne kganyogo go Bokriste, o be a nyaka go tliša bokhukhu ba gagwe ba bohetene, kereke ya gagwe ya bohetene. Gomme ya Laodikia ye e medilego le... goba Bonikolaite bjo bo bego bo medile le go itseparela ka go Roma gomme bo be bo dirile pontšho ye kgolo, gomme bontši bja batho ba be ba le badumedi ba Bakriste (ba bitšwago bjalo), fomale. Gomme Kereke ya therešo e be e le ka bonnyane; ka mehla e bile gomme ka go bile! Ke no ya go leta motsotso, go dumelala seo go nwelela go teba ka kgonth. Le a bona?

¹¹¹ Elelwang, Kereke ya therešo ka mehla e bile sehlopha se sennyane nthatana seo se kgoromeeditšwego ntle ga dikereke tše dingwe. Kereke ya therešo ga se nke ya kgatlofatšwa, gobane ga se sephedi, ke Mmele wa sephiri wa Jesu Kriste mo lefaseng, Moya wo Mokgethwa o sepela ka go maloko a. Kafao o ka se kgatlofatš Kriste, o ka se e dire. Ke nyaka le swarelele go seo bakeng sa Lebaka lela la Laodikia, bjale. Gomme e elelweng le e bolokeng, gobane Lentšu le lengwe le le lengwe ke le bolelagoo le go theipi. Gomme bjale elelwang, e bolokeng menaganong: Kereke ya therešo ya Modimo ga se nke ya ke ya kgatlofatšwa.

¹¹² Kereke ya Katoliki ke mokgatlo wa mathomo o kilego wa tsebjia ka lefaseng, ga se nke pele gwa ke gwa ba le mokgatlo, gomme ke—ke “kereke mme” bjalo ka ge Makatoliki a re ke yona. Ke “mme kereke.” Mme wa dikereke tša mokgatlo. Beibele e rile o be a le, kafao o ka se phegiše Seo. Ge ba re “Yeo ke mme kereke,”

ke mme kereke. O swantšhitšwe ka go Kutollo 17, re ya go tla go yena thwi. Go lokile.

¹¹³ Bjale, kafao Constantine, le se ka monaganong wa gagwe go tiiša mmušo wa gagwe (bjalo ka ge Roma ka mehla e dirile, go swara dikgonyo go lefase), o ile a swanelo go tliša dikgopololo tša gagwe tša bohetene le go tšeа dikgopololo tša Bokriste, gomme ka tsela ye e rilego a di tlemaganya mmogo, go rokaganya se mmogo le go itirela yenamong mmušo woo o ka se bego wa bobedi go wo mongwe. Le a bona? Gobane gore o be a . . . Seo se tla mo dira go le bjalo mmuši yo mogologolo ka lefaseng, Constantine.

¹¹⁴ Gomme ge e le ka tshokologo: o be—o be a le radipolitiki, eupša e sego mokgethwa wa Modimo, bjalo ka ge ba bangwe ba bona ba leka go mo dira. O be a se! Ga go selo se tee a kilego a se dira seo ebole se kwagalago boka. Kafao go ye nngwe ya dikereke tša Bonikolaite o beile sefapano; gomme ge go iwa ka se e ka ba eng gape a kilego a e dira yeo e bonagetšego Bokriste, ga senke ka ke ka e bona; ntle le ge a . . . bošegong bjola a di pentilego go dikotse tša gagwe boka fale gobane o bile le toro, Bakriste ba be ba mo rapelela gore a thope ntwa.

¹¹⁵ Bjale, gona go tla tiiša mmušo wa gagwe. Gomme gona go dira se, o tlišitše meletlo ya bohetene, godimo ka go kereke ya Bokriste ya Bonikolaite. Ke e bitša kereke ya leina ye female yeo e bego e bopega. O tlišitše meletlo godimo ka go kereke ye ya Bonikolaite, gomme yeo e bile tswalo ya Bokatoliki.

¹¹⁶ Bjale, ngwanešu, ke tsopola histori. Ke ne dikete tša bagwera ba Katoliki, gomme ba no ba bagwera bontši bjalo ka ge Maprotestant ba le. Eupša Maprotestant ba ka se goelele, e no letang go fihla bošego bjo bo fedile, le a bona. Le a bona? Le ya go bona ba dirile selo sa go swana. Pitša ga e kgone go bitša ketlele “go tshotshoma.” Le a bona, gobane e—e no ba selo sa go swana, moyo wa go swana o tsene magareng ga bona. Gomme gona le ya go bona gobaneng ka mehla ke sola selo seo. Gobane se fošagetše! Wona Moya ka go nna, ge ke leka go, le se sengwe ka go nna se goeletša ntle, Ke no se kgone go homola ka ga yona, ka mehla ke dirile. Ba bitša . . .

¹¹⁷ Banna ba bagolo, baetapele ba bagolo ba bodumedi ba mpoditše, “O tla senya bodiredi bja gago. Ngwanešu Branham, o dira dilo” ba rile, “tšeо—tšeо e sego taba ya gago. Modimo o go bileditše go rapelela balwetši.”

¹¹⁸ Modimo o mpiditše go dira bontši go feta go rapelela balwetši. Balwetši e no ba selo se tee seo ke kgonago go goga šedi ya batho, gomme seo ke phetho; balwetši, go rapelela balwetši ke selo se sennyane. Le a bona? *Molaetša* ke se re boleLAGO ka sona. Dilo tšela di ya morago; balwetši, motho, motho wa molwetši a ka fodišwa gomme a hwa gape. Eupša motho yo a tswetšwego ke Moya wa Modimo o ne Bophelo bjo Bosafelego. Kafao Modimo o no se ye tikologong a fodiša balwetši ka mokgwa woo. Mpho yeo

e thwi ka kerekeng bakeng sa mmele wa selegae; o tee godimo, morago wo mongwe, gomme morago wo mongwe, morago wo mongwe. Le a bona? Yeo, dimpho, di no ya go kgabola kereke. Eupša ke bontši go feta seo, gomme ke a holofela le a E swara. Go lokile.

¹¹⁹ Matswalo a Bokatoliki, gore bo dire se, go swara ma—ma mahlo a Bakriste le gape mahlo a bahetene go ba rokaganya mmogo le go ba dira kereke e tee.

¹²⁰ Oo, ke duma nkabe ke swere yeo gonabjale, karolwana ya lephephe yo mongwe o e beile godimo fa bošego bjo bongwe. Ke be ke eya go e tliša, gomme ke e lebetše; dilo tše dintši kudu di letše go dikologa ka kamoreng fale. Ba dira sona selo sa go swana gonabjale, gomme le se thomile ge le kgethile monna wa mafelelo le mo kgethilego. Ba a šoma bjale go hwetša ebile Beibele ye e ka se gobatšego Mokatoliki, goba Mojuda, goba Moprottestant. Ba ya go ba direla Beibele yeo e tla swanetšago selo ka moka. Ga le kgone go bona mahlajana a Constantine yo mongwe? Histori e no ipušeletša morago yonamong. Bjale, le a bona, gomme ke swere... Le nkwele ke e bala bošegong bjo bongwe, a ga se le ke? Gomme ke—ke e swere e letše kua gae, gomme ba be ba šoma go yona lebaka le letelele.

¹²¹ Bjale ba re, “Ka '62 ba tla...” Gomme hlokamelang gore Mopapa John XXII o tlie k-...kgopetše tšohle tše nnyane dikereke barwedi go boela morago gae go kereke mme. Le se tshwenyege, o tla dira. Ba tla dira! O ya go, ba šetše ba le morago. Ga ba swanelo go ya morago, ba šetše ba le fale bjale.

¹²² Boka ke be ke bolela, “Naga ye e rile, ‘Gabotse, ge Mna. Kennedy a ka kgethwa, Makatoliki a tla fekeetša.’” Fekeetša? Ba šetše ba e dirile kgale nako ye telele, gomme ga se le tsebe selo ka yona. Ke mang a lefelago barutiši ba bona? Ba hwetša dilo tše bjang go ya dikolong tša bona, le go ruta Bokatoliki thwi ka sekolong? Gomme lena balefamotšhelo le a e lefelela. Oo, thwi ka tlase ga nko ya lena, le a bona, ka mokgwa woo. Oo, nna, ka fao a šomilego! Gomme Beibele e rile o tla e tšea ka boradia, gomme o dirile; le a bona, yeo ke nnate; le a bona, ga a lefele motšhelo go selo. Kafao, oo, go ne bontši bo ka go bolelwa fa. Ke tla no swanelo go kgaotša tšona dipatso, gomme ka ya morago gape go topa.

¹²³ Gore a hwetše selo se go šoma, Constantine o beakantše bontši bja maithabišo a selefase go tanya šedi ya bobedi bahetene le Bakriste ka go kereke. A le ne monagano wa semoya? A le a nagana? A woo ga se Molaetša wa Iri? Kereke e bile le dipapadi tša panko, diphathi, ya neelena ka dikoloi, le go no ba dira ba tswakane mmogo. Go rokaganya maatla ale morago mmogo go fihla ba ka hwetša lefelo la go ratha. Feela thwi fa.

¹²⁴ Bjale, yeo ke histori, yo mongwe ga—ga a na selo go dira, ba no tsopola se se diregilego. Eupša o e dirile, o rokagantše kereke

mmogo ka go ba le maithabišo a selefase, go tliša mmogo kereke ya Bonikolaite. Bjale elelwang, ga se a kgona go kgwatha Kereke yela ya go tswalwa gape. Aowa, mohlomphegi, ga a go ofe wa bona. Eupša kereke ye fomale ya Bonikolaite e e wetše.

¹²⁵ Gomme re na le eng ka go dikereke tša rena tša Protestant? Dilalelo tša sopo, maithabišo, go tšhetšhelela, (Oo, nna!) dithekiso tša maratha, le se sengwe le se sengwe gape. Bjale, le a tseba yeo ke therešo. Gabotse, bjale, ge leo—ge leo e le Lentšu la Modimo, bagwera, ke Therešo. Gomme dikereke tšohle tša Protestant di ne molato! Le a bona?

¹²⁶ Bjale, ga se nke ya ke ya ba peakanyo ya Modimo go—go ba le dilalelo tša sopo le ditansi ka mabatongtlase, le tšohle fale go ya pele, go lefelela modiša le dilo. Ge batho ba nno rutwa go lefela dikarolo tša lesome tša bona, seo e tla ba sohle se ka bago go yona. Yeo ke peakanyo ya Modimo. Eupša Modimo o na le peakanyo, eupša motho o nyaka go dira peakanyo ya gagwe mong, go tswakanya peakanyo ya Modimo. Go lokile.

¹²⁷ Bjale, go direng se, ba tlemagantše le go dira ya peleng . . . ba bopile kereke ya Katoliki ya peleng, moragorago. Kagona go Nicene Council ye kgolo ya mathomo . . . Ge ke bala yeo, ke nno wa ka dikhuru tša ka. Nicene Council ye kgolo e diragetše ka A.D. 325, bohole ba bona ba tlišitšwe mmogo, dipišopo le botate ba tumelo ya Bokriste ba tlišitšwe mmogo ka Nicaea. Ke ka lebaka leo e bitšwago Nicaea Council, ka A.D. 325. Gomme e ka ba baemedi ba makgolo a lesometlhano ba tlie go kho—kho—kho khonferense, goba khansele, e ka ba baemedi ba makgolo a lesometlhano, gomme maloko a fetile dipišopo ka palo tlhano go o tee (ka go boemedi); eupša efela, ka Banikolaite (ba fomale ba go tonya) le leano la sepolitiki la Constantine, ba fentše Kereke ya therešo ka dibouto gomme ba thopa phenyo, gomme ba lokela dipišopo le lenaneo kgethwa la banna; ba tloša mo—mo Moya wo Mokgethwa ka kopanong, le go o beeng go dipišopo, dikhadinale, le bomopapa, le go ya pele.

¹²⁸ Tirišano ya go swana ya boradia yeo phathi ya Democrat e e bapetšego ka go selo se sa go feta! Bjale, yeo ke nnete. Bjale, ga re . . . ke tla . . . Gomme Marepublican ba tla no ba tlasetlase bjalo. Eupša ke bolela ka selo se setee seo ba se netefaditšego (Edgar Hoover) ka California, le mafelo a mangwe a mantši: ba bile le metšhene yela ya go bouta e beilwe moo o tlago boutela Mna. Nixon, o be o swanetše go boutela go—go Kennedy ka nako ya go swana. Ga se a be le sebaka. Gabotse, bjale ka gore ba netefaditše seo “phošo,” gona gobaneng ba sa dire se sengwe ka yona? Re phela mo iring, yeo ke yona, re mo nakong ya bofelo. Ba a e tseba, ba e netefaditše gore ba radiilwe, gomme bjale ba ka se dire selo ka yona.

¹²⁹ Seo e bile seaparo sa boradia morago fale, gomme ſea matswalo a sona gape: go tsenya monna yo rilego, go tshela thuto

ye e rilego; thuto ya Bonikolaite, ye e kilego ya ba me—me *mediro*, bjale e fetogile “thuto.” Matšatšing a Al Smith e be e le *mediro*, eupša bjale ke “thuto.” Uh-huh, uh-huh. Bjale e fa, e godimo ga rena. “Oo, o tla dira mopresidente yo mokaone,” ga go pelaelo ka seo ka monaganong wa ka; ka nnete, bakeng sa theme ye e latelago, go fihla a ka rokaganywa, go tliša bahetene ba le Bakriste ba ba fomale go rokagana mmogo.

¹³⁰ Ba šogana le Dibeibele, go leka go e tliša mmogo, bomopapa, dikhadinale. Mopišopomogolo wa Engelane, mopišopomogolo wa Canterbury, ke kopane naye, ke šikintše diatla le yena, ke boletše le yena, nnamong, ge ke be ke le ka Engelane; makousomatelele godimo ebile go nyakile go fihla mathekeng a gagwe, gomme (Oo!) mohuta wa moisa wa go apara go segiša. Eupša o ile godimo go etela mopapa, lekga la mathomo ba etetše lebaka la makgolo a mengwaga. Ke eng? Re mo iring ya mafelelo!

¹³¹ Ke ka lebaka leo ke emego fa bošegong bjo sebakeng sa ntle fa mo sefaleng felotsoko gape ke leka go rera le go rapelela balwetši. Gomme ga ke kgone go kopana le bona bohole difaleng (melaetša ye gape le gape), gomme ke lebaka leo re O tšeago go theipi le go O romela go lefase, ba ke ba sebotšwe le go tla morago go Tumelo.

¹³² Ebile le mafelelong a lebaka la Bokriste, Juda, pele ga Puku ya Kutollo e ngwadilwe; Mokgethwa Juda, o sengwa go ba ngwanabō (ngwanabō and sego wa madi) Jesu, o rile, “Ke nyaka le hlabaneleng ka tiišetšo Tumelo yeo e kilego ya fiwa bakgethwa.” Ba thomile go aroga go tloga go yona nako yeo, ka morago ga lehu la Morena Jesu. Gomme bjale e bokgole bokaakang bošegong bjo? Le a bona.

¹³³ Bjale, Nicene Council ya mathomo ye, gomme e be e le ka A.D. 330...325. E ka ba baemedi ba makgolo a lesometlhano le dipišopo ba tsenetšego kopano, eupša ba ba fekeeditše, ka go ye nngwe ya mouto, e bile khansele ya ledimo. Gomme ba ba fekeeditše, gomme ba boutetše gore Bonikolaite bo thope, gomme yeo e be e le go tšeа ke...kereke yohle, le go e bea ka tlase ga tlhapetšo ya bomopapa goba—goba dipišopo, goba se sengwe; go tloša maatla go Kereke le go a neela go dipišopo, gore dipišopo di laole kereke le go ba bona feela bao ba bilego le e ka ba eng go bolela ka Ona.

¹³⁴ Afa le lemogile ka go kereke ya Katoliki lehono? “O ka se bala Beibele yeo, ga se go wena go hlatholla. Yoo ke pišopo.” Le bona moo e tšwago gona? Bjale le kgona go bona se Bonikolaite ka kgonthe bo bilego pele bo thoma go tswinya le go abula. Bo tswetšwe thwi fale. Yeo ke therešo. Gomme e be e le sebopego sa Bokriste; bo sa le!

¹³⁵ Gomme Protestant e kaya thwi morago ga yona. Beibele, Kutollo 17, e rile, “Mme le barwedi.” Re tla tla go yona morago ga

nakwana, Morena ge a rata. Bjale le a lemoga go a swana lehono, ba thopile. Bjale, Constantine o šomišitše leano la Bileama.

¹³⁶ Bjale, ke nyake le leke go theetša sekgauswi ka mo le kgonago. Bjale, O rile fa, ka Beibeleng fa, “Swarelelang tumelo ya Ka go tia.” Bjale:

...ke ne dilo di se nene kgahlanong le wena, gobane o ne...o...gobane o ne ba bangwe moo... (e sego ba fa, eupša fale; ba ne bona, “o ne bona ka ke—ke kerekeng ya Peregamō,” le a bona) ...ba swerego thuto—thuto ya Bileama, yo a rutilego Balaka go lahlela dikotanaštiši pele ga bana ba Israele, go ja dilo tše di hlabetswego medingwana, le go dira bootswa.

¹³⁷ Bjale, Constantine o šomišitše leano la go swana leo Bileama a dirilego. Ba bile le kopano ka morago ga khansèle ye fa gore pišopo o beilwe godimo ga kerekeng, le go ya pele, go e laola, le go tše maatla ohle go tloga go maloko, “Gomme ga se ba be le go nagana ga bonabeng, ebile ga se ba be le tokelo e ka ba efe go hlatholla Mangwalo.” Gomme gore yohle e be e le go baprista, e be e le go dira tlathollo ya Mangwalo.

¹³⁸ Mafelelong, ka morago ga nakwana, ba dirile moprista *setsebi*, gomme ba...moemalegatong, e bego e le mopapa. Eupša bjale ba tlie lefelong moo ba e beago, “kwe—kwe kwešišo yohle ke ya moprista, gomme phuthego ga se ya swanela go bala Beibele, ga se ba swanela go dira selo;” gomme, gabotse, ba... Beibele e tlošitšwe go bona. Gomme bjale ba—ba e tšere yohle go bonabeng gomme e boutetšwe go rena gobane e bonagetše bobotse.

¹³⁹ E bonagetše bobotse gobane ba be ba humile, le go ya pele, gomme o file... Mo kopanong ye kgolo ye, ge a biditše mmogo, Constantine o file dipišopo meago ye mebotse; o swere tšhelete ye nngwe le—le mafelo a ohle a magolo a bogolo... boka meago, o e file go kerekeng, gore ba ke ba e šomiše bjalo ka—bjalo ka dintlo tše kerekeng. Oo, e be e le meago ye mebotse, yohle e botsefaditšwe, le go ya pele, kafao o e file go kerekeng.

¹⁴⁰ Ntle ga fao, o apešitše dipišopo tše ka dikobo tše kgolo, le dikhethetše tše ka fase le dilo ka tlase ga tšona. Gomme ka ntle ga fao, o ba beile godimo ga...goba o agile lefelo la go phagama boka le, gomme o ba beile godimo fale boka modingwana. Gomme fase botlase ga bona o dirile dialetara tše mabole, ka tlase ga bona. Gomme o dirile tshokollo ye yohle, go tšwa kgopolong ya bohetene, gape, le go tliša Bokriste ka go yona ka go tše dipišopo tše bona. Le a bona, ba nno fološa modingwana gomme ba bea pišopo. Le a bona, ba mo direla aletara, selo sa go swana, gomme ba mo dira modimo. Ba bea pišopo, gomme o bile le sephetho sohle, ba mo apešitše gohle le go mo dira boka modimo. Sebakeng sa go mmea boka badimo ba bona ba

bohetene, ba mmeile ka go kobo boka Jesu a e apere. Le a bona? Gomme ba mo dirile feela boka modingwana a dutše fale.

¹⁴¹ Oo, le ka eleletša ka fao mohetene a rilego, “Gabotse, yeo nka e amogela, go ne yo mongwe go bolela le rena. Re be re bolela le mindingwana, eupša monna yo a ka bolela le rena.”

¹⁴² Ka fao Bakriste ba nagannego, “Gabotse, seo se no ba kaone. Bjale re ka dira e ka ba eng re nyakago gobane modimo wa rena šole. Re ka no . . . Re ka bolela le yena, a ka re botša re dire eng. Ge re dira sebe, re tla mmotša ka ga sona, ra mo fa se sengwe se sennyane, le se sennyane . . . ra dira nobena ye nnyane goba se sengwe; gomme sa pele le a tseba, bohle re nepile, gomme ra ya morago ntle gomme ra ikwela go lokologa gape. Ga ra swanela go tshwenyega ka selo.”

¹⁴³ “Oo, seo se bonagetše bobotse.” Kgonthe! Se sa dira go monagano wa senama, eupša o ka se tsoge wa šunyetša seo go theoga ngwana wa Modimo yo a tswetšwego gape. Ga se nke ba ke ba kgona go e dira. Gobane o tseba Yo a mo dumetšego le go kgodišega gore Yena o kgona go boloka seo se se gafetšwego Yena kgahlanong le letšatši leo. Gomme go lebaleng dilo tše di fetilego, re gatelela go ya mmaparakeng wa pitšo ya godimo ka go Kriste. Amene! Oo, ke leboga bjang!

¹⁴⁴ Aletara ya mabole ka tlase ga gagwe, a dutše godimo fa, a apere ka kgonthe, kereke ye kaone. Oo, nna, bohle ba be ba lokišitšwe. Go lokile. Gomme aletara ye e manegilwe, aletara ye ya mabole, ye botse. Le swanetše go e bona le bjale, selo sa go swana. E manegilwe ka gauta, gomme e pharapharilwe ka mabje, mabjebohllokwa ka go aletara ye. Ye botse! E be e swanetšana le Banikolaite le bahetene. Le bona se a se dirilego? O tšere mekete ya bohetene, dikgopololo tša bohetene; gomme o tšere Bokriste, difomale tša go tonya tše di sa tsebago bokaone, ga se di be le Moya wo Mokgethwra go ba hlahla go fapanwa; gomme ba itiretše modimo fa lefaseng, gomme ba ba diretše aletara, le modimo go dula fale go ba lebalela dibe tša bona. A le moyeng? A le kwešeša se ke se rago? Le bona se e lego? Tebalelo ya go fetišetša sebe lefaseng.

¹⁴⁵ Ga ke tsopole seo go tšwa monaganong wa ka, yeo ke histori. Ke tla le fa letlakala le nomoro ya histori ye kgethwa, feela go swana bjalo ka ge nka le botša ka George Washington, le Abraham Lincoln, le Ntwa ya Gettysburg, le go ya pele. Kgonthe, dilo tšela tšohle ke histori ke e tsopolago fa.

¹⁴⁶ Bjale, gona go be go swanetše go . . . e sego go Kereke ye ya go tswalwa gape. Aowa, mohlomphegi! Gabotse, ge ba beile monna godimo fale bjale, goba pišipo hlogo, go reta meletlo, ka nnete seo se raketše Ebangedi ya Gotlala ka ntle ga yona. E a dira lehono. Ona mabaka a no rwalelwya pele, go no lepelela pele, le a bona; sebopego se sengwe, letšatši le lengwe. Oo, ge ba bea motsebalegi

godimo fale boka modimo, gomme o tla ba le meletlo e se mekae go bolela.

¹⁴⁷ Gomme hlokamelang gore bahetene ba rapetše bokhukhu ba bona ba ba hwilego. Gomme kereke ya Protestant yeo e tlago ema le go re, “Ke dumela go Kereke ye Kgethwa ya Katoliki ya Roma le go boledišana le bakgethwa.” Lena Methodist fihlang sefahlego sa lena, Mapresbyterian, le Malutheran. E ka ba eng e lopelago bahu ke bosemoya! Kgonthe. Eupša, bjale, Protestant e ka se sege Katoliki, o dira selo sa go swana, o dira boipolelo bjo bja go lekanela bjhohle bjoo a dumelago selo sa go swana; o kolobeditše thwi morago ka go kereke ya Roma ka kolobetšo ya meetse, a gana le go dira metlae ka batho ba ba lekago go phela seo gabotse; a eya kerekeng le go bona batho ba goelela ka tlase ga maatla a Modimo, gomme a ema ka ntle le go dira metlae ka Ona. Tšohle tseo.

¹⁴⁸ Le a bona, meboya ga e hwe; batho ba dira, eupša e sego meboya. Le a bona? Moya wo Mokgethwa, O ka se hwe. O bile go Jesu, bjale O ka go Kereke ya Gagwe; o tla ba ka mehla go fihlela A etla *bakeng* sa Kereke ya Gagwe, gobane Ke karolo ya Gagwe. Le a bona? Le ge e le bahlomari, ba—ba dirile metlae ka bona morago fale letšatšing lela, ba sa phela fa lehono. Modimo o tsea motho wa Gagwe eupša e sego Moya wa Gagwe go tloga lefaseng. Diabolo o tsea motho wa gagwe eupša e sego moyo go tloga lefaseng.

¹⁴⁹ Baprista bale bao ba dumeletšege lehu la Jesu, bale ba rilego o be a le “mmolelelamahlatse,” goba “diabolo,” bona baisa ba be ba le bodumedi ka fao bodumedi bo ka bago. Yeo ke nnete. Ba tsebile Lengwalo lela ka leletere, eupša ga se ba tseba tlathollo ya therešo ya Lona. Ba bile le monagano wa bona beng, gomme ba be ba ka se theetše selo gape. Gomme gona ba Mmone le go tseba . . . Ba paletše we bjang go bona gore Jesu ga se a be le maswanedi go se sengwe le se sengwe moprofeta yo mongwe le yo mongwe a kilego a bolela ka Yena? Eupša ba be ba foufetše. Gomme Modimo o rile O foufaditše mahlo a bona bakeng sa morero, gore re ke re be le sebaka sa phološo.

¹⁵⁰ Bjale Beibele e akanyeditšepele gare gore O tla . . . gore re ka go Lebaka le la Pentecostal, le, “hllobotše, le a šokiša, le foulfetše gomme ga le tsebe.” Seseo seemo sa kereke, Filadelifia. Oo, lena Mabaptist a fomale, Mapresbyterian, le Mapetecostal! Le a bona, ke lena bao. Dinako tše dingwe ga ke re seo go lena le dutšego fa; ke mo theiping, le a bona, gomme ga ke tsebe moo e yago. Le a bona? Sokologang! Boelang morago go Beibele! Boelang morago go Kriste!

¹⁵¹ Go lokile, eupša seo ke se se diregilego, Ebangedi ya Gotlala e kgoromeleeditše ntle. Maswao le matete ka kerekeng a tlošwa, gomme ge sehlopha sa Moya wo Mokgethwa se kgaotše go tlošwa magareng ga ba bangwe, gona ba ganne gore go bile le

letšatši le lebjalo. Gomme go bile go leo... Gomme ba dira sa go swana lehono! Ke tlwa. Afa le bona moya wa sona? Boka ke le boditše; mathomong, aparang go nagana ga lena ga semoya, anke Modimo a bule pelo ya lena. Se tsee lehlakore, dula o theetše; o re, "Moya wo Mokgethwa, utolla go nna. Ke a e bona, e gona."

¹⁵² Meletlo. Kae? Mabaptist, Mapresbyterian, ebile le Mapentecostal, ba no ba tirelo ya bodumedi. Selo se nnoši ba se dirago ke go pidinya piano, sengwe goba se sengwe, ba tabogela godimo le fase nakwana; gomme ka pela ge piano e emiša: Fše! Ba ya ntle, ba radia, ba utswa, ba aketša, se sengwe le se sengwe gape. Eupša wa kgonthe... Le go felapelo go lekanelo go lwa le ntšhi, ba bolela ka yo mongwe le yo mongwe le se sengwe le se sengwe. Le a bona? Ke lena bao. E sego feela Methodist, Baptist, Presbyterian, Katoliki, eupša kereke ya Pentecostal ka go Lebakala Laodikia fa.

¹⁵³ Oo, gobaneng le sa boeile morago go se borakgolokhukhu ba lena ba bilego? Gobaneng re sa tle morago go pentecost ya kgonthe yeo e hlwekišago le go tlatša ka Moya wo Mokgethwa, yeo e tlišago Kriste ka go rena? Seo ke se re se hlokago. Go lokile. Bjale, go swana lehono!

¹⁵⁴ Bjale, lentšu *Peregamo* go ra "nyetšwe." Lona lentšu *Peregamo* le ra "nyetšwe." Bokriste (ke gore lehlakore la Banikolaite, lehlakore la female) le nyetšwe ke mmušo, ka ditirelo tša bohetene. Ditirelo tša bohetene! Gomme e bile matswalo a kereke ya Katoliki mo letšatšing leo.

¹⁵⁵ Bjale, e ka ba mang o a tseba gore kereke ya Katoliki e tlišitšwe go beng gona ka go Nicene Council. Pele ga fao, e be e bitšwa "Bonikolaite" ke Modimo; go rago *Nicko—Nicko*, "go fenza," go fekeetša goba go menola maloko. Gomme ge ba dirile seo, ga se ba nyake Moya magareng ga batho; le *badiša*, go rago "badiši" go dumelela Moya wo Mokgethwa...

¹⁵⁶ O re, "Gobaneng, a moprista a ka se be modiši?" Ke mohuta ofe wa dijo a go fepago? A o hwetša dipoelo tša go swana ba bilego le tšona, Letšatšing la Pentecost? Ka nnete aowa! "Dumela Maria," ke mang a bonego seo ka Pentecost? Dinobena, gofafatšwa gohle go, go tšhela, go šomiša Modimo wa boboraro ("Tate, Morwa, Moya wo Mokgethwa"), ke kae o kilego wa hwetša seo ka Pentecost? Jesu o rile, "Anke ngwako wa Israele o tseba ka tiišetšo, Modimo o dirile Jesu yo wa go swana, yo le mmapotšego, bobedi Morena le Kriste." Yeo ke nnete. Ke kae re hwetšago dilo tše? Ke Bonikolaite le go thoma, gomme bo bopetšwe ka go Bokatoliki.

¹⁵⁷ Bjale o re, "Gabotse, ka kgonthe ke thakgetše gore ga ke magareng ga bona." Bjale se no ba kgonthe kudu. Le a bona? Bjale elelwang: Bokriste, Bonikolaite. Bjale a le hwetša kanegelo? Theetšang kgauswi pele re eya kgojana go itšego. Ke nyaka le e hwetše ge re ka dula fa go fihla bošegogare. Kafao,

uh-hum . . . kafao . . . gobane, ngwanešu, ke soulo ya gago! O ka re, “Gabotse, ke nna wa . . .” Seo ga se—seo ga se Yona. Ge o se ne Moya wo Mokgethwa, ngwanešu, ga ke kgathale o wa dikereke tše kae, o lahlegile. Ge o se wa tswalwa gape ka Moya wa Modimo, ka kolobetšo ya Moya wo Mokgethwa, o lahlegile; gobane ga o ne Bophelo bjo Bosafelego, gomme Bophelo bjo Bosafelego ke selo se nnoši seo Modimo a tla go se tsoša, gobane Ke bophelo bo nnoši bjoo bo šetšego.

¹⁵⁸ Ge thoro ya lehea . . . bjalo ka ge ke tsopotše fa, Agricultural Hour. Ke ba bakae ba elelwago mokgalabje Ngwanešu Spurgeon, moreri wa Methodist godimo ka Henryville? Mokgalabje wa go makatša. Re be re dutše mothopong wa aese khirimi ka go Red Furnish, letšatši le lengwe, re eja aese khirimi; gomme re be re bolela ka ga kopano yeo ke bilego le yona godimo fale, gomme Agricultural Hour e be e kgatlampana. Gomme Red e bile le se—se spikara se sennyane se buletšwe, le sa se . . . se seyalemoya sa gagwe se dutše ntle fale. Gomme felotsoko ba be ba bolela . . . nnete molaetša o be o etšwa Louisville. Eupsa 4-H Club e bile le—e bile le motšhene woo ba kgonnego go fetola thoro ya lehea yeo ba kgonnego go tsenya khalesiamo, le dipetroleamo, le se sengwe le se sengwe ka go lehea, le go le dira le bogege feela tlwa boka le be le dirilwe go tšwa . . .

¹⁵⁹ 4-H e bile le lona, saense e be e le phethagaditše gore lehea le bonagale kgonthe ruri gore o be o ka tsea lehupa go tšwa lesakeng le medišitšwego tšhemong, lehupa go tšwa lesakeng motšhene o le fetotšego, gomme le godimo fa (le motšhene o le fetotšego) le tla dira magogo a lehea a mohuta wa go swana, borotho bja lehea. Gomme ka nnete o ka di iša tlase laboratoring le go di ripaganya, dithoro, gomme o ka se kgone go di farologanya. Di bile le boleng bja go swana bja petroleamo, boleng bja go swana—go swana bja khalesiamo, le—le monola; se sengwe le se sengwe seo se ilego ka go thoro e tee, se be se le ka go ye nngwe.

¹⁶⁰ O rile, “Tsela e nnoši ya kgonthe go tseba ye e bego e bjjetšwe ka tšhemong, le ye e bego e dirilwe ka motšhene: boloka bobedi bja mahupa. Gomme bobedi a bodile, gomme le le dirilwego ke motšhene le ka se tle godimo gape; eupša lona le Modimo a le medišitšego, le phetše gape.” Gobaneng? Gobane le be le se la nontšhwa.

¹⁶¹ Gomme o ka no bogega boka Mokriste, wa itshwara boka Mokriste, le go dira tiro ye nngwe le ye nngwe ye botse ye o ka kgonago go e dira, le go phela go tshepega go kereke ya gago; eupša ntle le ge o nontšitšwe ke Moya wo Mokgethwa, Bophelo bja Modimo, Bophelo bjo Bosafelego bo etla ka go wena; e sega ka boipolelo, eupša ka *mpho* ya Moya wo Mokgethwa. O O hwetša bjang? Ngaka e rile, ka Letšatši la Pentecost, yoo a ngwadilego taelotirišo, “Sokologang, gomme le kolobetšwe yo mongwe le yo mongwe wa lena Leineng la Jesu Kriste, gomme le tla amogela

mpho ya Moya wo Mokgethwa.” Mpho ya Moya wo Mokgethwa, e lego Bophelo bjo Bosafelego. Ke selo se nnoši seo Modimo a tla se tsošago. Ke selo se nnoši seo se nago Bophelo a ka bo tsošago. Le a bona? Ke selo se nnoši seo se ka yago. Ke a holofela seo se hlakile. Modimo a fe gore se hlakile.

¹⁶² Bjale, Banikolaite nako yeo ba bile le lehlakore le lefomale, gomme ba nyetšwe go kereke ya bohetene; ba tliša dialetara tša bohetene, ba dira aletara tša Bokriste; ba tlišitše modimo wa bohetene, le go mo dira a bolele le go bolediša, ka sebopego sa pišopo. A dule godimo fale, a apere kobo le go mo dira a bogege boka modimo. Le a bona? Ga se se se lego ka ntle, ke se se lego ka gare. Tšona dithoro tše pedi tša lehea di bogegile go swana; e be e se se lego ka ntle, e be e le se se lego ka gare. Le a bona, ka gare, Bophelo. Gabotse, e be e dirilwe fale, gomme leo e bile lefelotswalelo ka kereke ya pele ya Katoliki, e be e le mmago dikereke tšohle tša dikereke tša maina.

¹⁶³ Bjale o re, “Gabotse, nna... Ngwanešu Branham, gona kgang ke se Mokatoliki.”

¹⁶⁴ Bjale, feela motsotso o tee, a re emeng fa feela motsotsvana, gale. Gomme anke—re phetle bjale go Kutollo, tema ya 17, feela motsotso. Ke nno phetla thwi go yona. Bjale, ye ke kutollo ya eng? Jesu Kriste, go dikereke tša Gagwe. Ge ke bala, theetšang kgauswi:

*Gomme go tlide yo mongwe wa barongwa ba šupago
yo a bego a swere moruswi, gomme o boletše le nna, a
re... Etla fa; gomme Ke tla bontšha... wena kahlolo ya
seotswa se segolo seo se dutšego godimo ga meetse a
mantši:*

¹⁶⁵ Bjale, gore ke be le hlatse, ke ba bakae ba tsebago gore mosadi ka Beibeleng, nako le nako gore e fiwa ka sekä, go ra “kereke”? Go lokile. Ke ba bakae ba ba tsebago gore se segolo “seotswa,” thwi fa ka go tema ya go swana, ke “toropokgolo yeo e dutšego godimo ga dithaba tše šupago”? Go lokile.

¹⁶⁶ Bjale ke ba bakae ba tsebago gore Beibele e rile “meetse”? Šo o dutše godimo ga “meetse a mantši”; e sego *meetse*, eupša “meetse.” Gomme *meetse* a ra “batho.” Gobaneng, hwetšang tema ya 15, le ka bona fa, le a bona, temana ya 15, le a bona:

*Gomme o rile go nna, Meetse a o a bonego,
moo seotswa se dutšego, ke batho, ... mašabašaba, ...
ditšhaba, le maleme. (Le a bona? Le a bona?)*

¹⁶⁷ Bjale, mosadi yo e be e le mokgelogi. A o be a se? Bjale ye ke thuto, kafao le swanetše go bea letsvalo la lena morago bjale. Le a bona? Ke eng mosadi yola wa ditšhila a bitšwago “seotswa”? Ke mosadi yo a sa botagalelego dikenno tša gagwe tša lenyalo. Bjale kereke, kereke ya Katoliki, e tteleima go ba Monyalwa le Mosadimogatša wa Kriste. Ebile le dinane ba kera moriri wa

bona, gomme ga ba na kganyogo, “kganyogo ya bona yohle go Kriste.” A yeo ke nnete? Kgonthe. Goba e ka ba mang . . .

¹⁶⁸ Ke tšwa kgodišong ya Bokatoliki, le a bona. Ke ne *Facts Of Our Faith* ya bona, le dipuku tša bona; gomme Maprotestant a lena, le Mabaptist, le e ka ba eng le e dumelago; go ithuta ga ka šefao. Kafao, ke ithuta yona gore ge e ka ba mang a ka bolela e ka ba eng. “Šatee!” Ke kgona go go thekga thwi go polelo ya gago. Le a bona? Kafao, iri e tlide bakeng sa Ye go ya ntle.

¹⁶⁹ Bjale, selo sa mathomo, Modimo o swanetše go sepela go kgabaganya setšhaba, a bontšha maswao, matete, le mehlolo, gore batho ba tle ba tsebe. Dinku tša Modimo di tseba Segalontšu sa Gagwe, di a tseba, di tseba tlwa. Le swanetše go hwetša pele . . . Le ya ntle ka ntle ga go tsebja, gona le no . . . Le dira eng? Le ba dira go gobala kudu go feta le kile. Anke e . . . le dumelela Modimo go hlokomela yeo. Le a bona?

¹⁷⁰ “Ke tla go bontšha kahlolo ya seotswa se segolo.” Bjale, ge a be a le seo, gona o be a le mosadi yo a ipolelago go ba se sengwe seo . . . O be a dira bootswa! A yeo ke nnete? Gabotse, gona, ge eba e be e le kereke, o be a dira bootswa kgahlanong le Modimo. A yeo ke nnete? Gona bootswa, e tla ba bohlotlolo, *bohlotlolo* bja semoya: o ruta se sengwe go batho seo e sego Lentšu la Modimo. A yeo ke nnete? O ruta se sengwe seo e sego therešo. Bao ke Banikolaite. Le a bo bona bo etla fa? Ba eta ba Bea bomopapa, le baprista, le go ntšhetša Moya wo Mokgethwa ka ntle, “Matšatši a mehlolo a fetile”; gomme Beibele e rile, “Jesu Kriste o a swana maabane le go ya go ile.” Beibele e rile, “Sokologang, gomme le kolobetšwe yo mongwe le yo mongwe wa lena Leineng la Jesu Kriste bakeng sa tebalelo ya dibe tša lena”; yena o re, “Tate, Morwa, le Moya wo Mokgethwa,” gofafatšwa, go tšhela gohle. Oo, nna! Le a bona?

¹⁷¹ Go lokile, šetšang se mosadi yo a se dirago:

. . . *yo dikgoši tša lefase di dirilego bohlotlolo, gomme badudi ba . . . lefase ba tagišitšwe ka beine ya a gagwe mahlotlolo.*

¹⁷² “Tagilwe!” Go go bolaya, go go iša lehung, go go thunya, goba e ka ba eng gape, ngwanešu. Ka phethagalo ba tagilwe ka selo seo. Le a bona?

¹⁷³ “Beine.” Seo ke se a se fago, beine ya bohlotlolo bja gagwe. “Anke ke go botše se sengwe! Mme wa ka o be a le Mokatoliki, gomme ke tla . . .” Go lokile.

¹⁷⁴ Bjale o re, “Seo se a šiiša.” Bjale nno letang motsotsso, Maprotestant. Ehu! (Ke bolela go bale go ditheipi, le a bona.)

Kafao o nkišitše kgole lešokeng ka moyo: gomme ke bone—ke bone mosadi a dutše godimo ga sebata sa mmala wo mohubedu, . . .

¹⁷⁵ Bjale, a lentšu *bohubedu* le bolela eng? Bo bolela “bogoši.” Bo ra...ke ra, go ra, “segoši, segoši sa go tshepega,” le a bona, boka dikgoši le go ya pele.

...*tletše maina a thogako, se na le dihlogo tše šupago le dinaka tše lesome.*

¹⁷⁶ Bjale, *dihlogo* tše šupago ke “dithaba” tše šupago toropokgolo e duťšego godimo ga tšona. Gomme mosadi yo ke toropokgolo, re a tseba.

Gomme mosadi o be a apere moretele...

¹⁷⁷ “Mosadi.” Sebata se be se le se *sehubedu*, eupša mosadi o be a apare *moretele*. Bjale, ke le seboditše letšatši le lengwe, go ne digareteine tše tharo? Ga ke tsebe ke tla phela botelele gakaakang, eupša elelwang se. Bjalo ka ge ke le boditše mengwaga ye mentši ya go feta, “šetšang Russia.” Go na le digareteine tše tharo, elelwang se. Go na le gareteine ya *tshipi*. Go na le gareteine ya *bamboo* (Tšhaena ye Khubedu le *go ya pele*). Gomme go na le gareteine ya moretele, le šetšeng gareteine *yeo*, *yeo* ke mofori. Bontši kudu...

...*mosadi o be a apere moretele...* mebala ye *mehubedu*, ...*a kgabišitšwe ka gauta...* *matlapa a bohlokwa le dipheta*, ... (Le elelwa ke bolela morago fa se aletara ya pele e bego e le ya Bonikolaite? *Le a bona?* *Mosadi* go beng “kereke.”) ...*a swere komiki ka seatleng sa gagwe...* (Le a elelwa? Gauta e manegilwe aletareng; komiki, o be a efa batho.) ...*e tletše ka makgapha a ditšila tša bohlotlolo bja gagwe:*

¹⁷⁸ Seo ke se a se fago batho; ba be ba bo metša. Kgonthe. Ba tagilwe ke bjona! Go no tagwa! Sehlopha sela sohle sa Maiirish, le Mafora, le go ya pele, ba kgaola mogolo wa gago ge o ka bolela selo se tee kgahlanong le kereke yela. Kgonthe, ba tla dira. Le a bona?

Gomme godimo ga phatla ya gagwe go be go ngwadilwe leina, WA SEPHIRI, BABILONIA...

¹⁷⁹ Bjale, a Babilone e tlogile go tšwa kae? Go tloga Babilonia godimo ka Peregam, le go ba...Sathane a šuthiša setulo sa gagwe. Oo, ke duma re ka ya go kgabola Kutollo yohle, gore le kgone go e bona.

...*BABILONIA YO MOGOLO, MMAGO*
BOMMALEGOGOGWANA... *MMAGO*
BOMMALEGOGOGWANA LE MAKGAPHA A LEFASE.

¹⁸⁰ O be a le eng? Mmago bommalegogwana. Bona ba be ba se barwa. A ba be?

¹⁸¹ [Lefelo la go se be le selo go theipi—Mor.]...kereke ya bona. Ee, mohlomphegi. O rile, “A kereke ga e bitšwe, ka Beibeleng, ‘Babilonia?’” Le a bona ka pukung ya bona beng. Go lokile.

¹⁸² Bjale, ge a be a le mmalegogwana, seotswa, gomme o be a le mmago bommalegogwana, o be a swanetše go ba le barwedi. Gomme ge ba be ba le barwedi, ba be ba le basetsana, ba be ba le dikereke. Bjale kereke ya Protestant e tšwa kae? A yeo ke nnete? Phapano ke eng magareng ga se—se seotswa le mmalegogwana? Selo sa go swana.

¹⁸³ Martin Luther o tšwetše ntle, go tima, go fa Kereke ya therešo sebaka; Wesley; pele ka go Pentecost; gomme yo mongwe le yo mongwe wa bona o ile morago thwi go monagano wola wa Bonikolaite wa go kgatlofatša, le mookamedi pharephare, le se sengwe le se sengwe gape, gomme ba ile morago thwi ka kolobetšo ya go swana yeo ba kolobeditšwego ka yona, sebopego sa go swana, ditirelo tša go swana, ebile le bontši bja bona ka dikatikasema le '*dumela Maria*.' E sego *Dumelang boMaria*, eupša . . . Ke eng se se lego mabapi le selo sa go swana? *Thutotumelo ya Baapostola*. Mpontšhe Thutotumelo ya Baapostola ka Beibeleng, ngwanešu. Ge—ge eba ba bile le thutotumelo, ke Ditiro 2:38, ke seo ba laetšego mang kapa mang go se dira. Ke kae o kilego wa ke wa kwa moapostola a dira thutotumelo, a re, "Ke dumela go Kereke ye Kgethwa ya Katoliki ya Roma. Ke dumela go go boledišana le bakgethwa"?

¹⁸⁴ Ge mo . . . Petro, yena yoo a bilego le dikgonyo, o rile, "Ga go na mmoelanyi yo mongwe magareng ga Modimo le batho, eupša Kriste Jesu."

¹⁸⁵ Eupša lebelelang dikereke tša Protestant. Ba dirile eng? Ga ba kgone go kgotsofala. Yo mongwe le yo mongwe wa bona yoo a tšwetšego ntle, o tšwa ntle ka Tšhegofatšo ya Pentecostal. Yeo ke nnete tlwa. Ebile le Martin Luther o boletše ka maleme. Yeo ke nnete tlwa. A ikgopela tshwarelo yenamong, a re, "Modimo, mantšu a a go šiiša ke a tomatomago, gomme ga ke tsebe se ke se bolelago." Le a bona? Kgonthe, o dumetše go Ona. Ka kgonthe, o dirile.

¹⁸⁶ Bjale, tlase go kgabola lebaka ba bile le—le Moya, eupša ka mehla ba gogela kgole le go dira mekgatlo ka morago ga ge bona bathomi ba pele ba tlogile. Ge nkabe le dumetše kereke ya Lutheran go ya pele, gomme la se e kgatlofatše, e ka be e bile Pentecostal. Kereke ya Pentecostal ke eng? Ke ra pentecostal ya kgonthe. E sego kereke ya leina, bjale, e no ba boka "pitša le ketlele" gape. Le a bona? Eupša ba dirile selo sa go swana, gomme seo se ba bea morago go Banikolaite feela boka ba dirile mathomong. Ke ba bakae ba bonago yeo? ereng "Amene." [Phuthego e re, "Amene!" Mor.] Yeo ke nnete. Bjale, feela gore ke be le lentšu la lena gore le . . .

¹⁸⁷ Le a bona, mmago "bommalegogwana." Ge ba le bommalegogwana, ba bile bommalegogwana bjang? Ka go dira bohlotlolo kgahlanong le Lentšu la Modimo. Ge Lentšu la Modimo le rile, "Sokologang gomme le kolobetšweng Leineng

la Jesu Kriste,” gomme motho yo mongwe le yo mongwe ka fale o kolobeditšwe ka Leina la Jesu, gomme morago le tsea “Tate, Morwa, le Moya wo Mokgethwa.” Bjoo ke bommalegogwana! A yeo ke nnete? Gomme ge go kolobetša ga Beibele e le ka go karabetša (*baptizo*, go tšwa go lentšu la Segerike), gona le hwetša gofafatša le go tshela bjang? Seo se tla ka gare kae? Ge le bea sebakeng sa go šikinya diatla, goba go tsea senkgwana dipounameng tša lena le go se metša, goba sengwe se sengwe boka seo, bakeng sa Moya wo Mokgethwa, gomme Moya wo Mokgethwa o tlile go tšwa Legodimong boka phefo ye maatla e kitimago gomme wa tlala batho, le go ba dira ba bolele ka maleme, le go goeletša, le go itshwara boka motho a tagilwe, gomme le bea sebakeng sa go šikinya diatla, goba go bea lengwalo la lena ka kerekeng, goba se sengwe boka seo, le ya go tsoge le tšwile bjang tseleng ya go dira mabohlotlolo a semoya?

¹⁸⁸ Bjale, nno ipotšišang lenabeng seo. Šikinyetšang menagano ya lena fase, bulang pelo ye lena gomme le botege, baena. Re mo bofelong bja mmila. Dikopano tše ga tša no bewa fa ka lefeela, di laetšwe ke Modimo. Ke no e dumela feela ka kgontha bjalo ka ge ke . . . le ntumela go ba mohlanka wa Gagwe. Ke e bolela ka Leineng la Jesu, gore Modimo o beile pelong ya ka go tla fa. Ga ke hwetše le ge e le peni go e direng. Nka—nka—nka—nka—nka be ke le ntle fa ke rapelela balwetsi felotsoko, goba se sengwe boka seo. Goba nka be ke le ntle mošola ke eya go thea dihlapi, le go goga tšelete ya ka feela go swana, ke hwetša mogolo go tšwa kerekeng. Eupša Modimo o E beile godimo ga pelo ya ka; ga ke kgone go ya kgole go tloga go Yona, go no ya pele go ntelela go Yona, gomme ke dira bobjohle ke kgonago. Ke fa Leineng la Morena, ke dira se sengwe le se sengwe ke tsebago se dirwa bjang. Le se O lese wa le feta.

¹⁸⁹ Bjale, Protestant, afa le bona se ke se rago ka kereke ya Katoliki le Protestant? Feel a . . . E tee e no swana le ye nngwe. Yeo ke nnete tlwa.

¹⁹⁰ Bjale, go ra go nyalwa, *Peregamo* go ra go “nyalwa.”

¹⁹¹ Bjale, a re tšeeng . . . O rile, “O na le bona ba ba nago le thuto ya Bileama.” A re nong go tsea yeo.

¹⁹² A re ne nako? Ke tla potlaka feela ka pela bjalo ka ge ke kgona. Goba bokaone le ka leta le go bona ge eba re ka tla morago mo mosong? Ke ba bakae bokaone re no ya pele, feela nakwana ye nnyane boteletšana? Anke . . . Go lokile, bjale ke—ke a tseba go a fiša ka fa. Gomme ge le dutše tuu le go fiša, le nagana eng godimo fa? Le a bona? Eupša, oo, nna, re leka go ya kgole go lefelo lela leo le fišago. Le a bona, ke—ke se le lego, gobane, re ba Gosafelego.

¹⁹³ Bjale, bjale nneteng ge ba bea kereke ka mokgwa woo, go diregile eng? Bjale theetšang kgauswi, bana ba ka. Go diregile

eng? Gobaneng, ka nnete, seo se ntsheditše Moya wo Mokgethwa thwi ka ntle ga kereke. Ga go makatše ga go le o tee wa dipišopo tša bona a tsošitšego bahu goba a dirilego mehlolo. Gomme bona ba bolela ka ga bakgethwa tsoko ba ba go beng ka kerekeng ya bona! Ba gwabetše selo, eupša ba a ba tteleima!

¹⁹⁴ Lebelelang Joan wa Arc, mosetsana yola yo moswa. Ke botšiša lena batho ba katoliki, goba lena Maprotestant, e ka ba mang wa lena. Joan wa Arc, letšatšing la gagwe, go be go se selo ka Fora fale, eupša kereke ya Katoliki yeo e kgameletšego bakgethwa. Eupša Modimo o sepetše godimo ga mosetsana yola gomme o bile le Moya wo Mokgethwa. Gomme o dirile eng? O kgonne go bolelelapele dilo, Morena o be a tla mo fa dipono le go e bolelelapele. O rapeletše balwetši. O rapeletše lesea le lennyane le le hwilego, gomme la tla morago bophelong gape. Yeo ke pentecostal. Le a bona? Gomme kereke ya Katoliki e dirile eng go yena ka gobane o gwabetše kereke ya Katoliki? Ba mmileditše tshekong, gomme ba mo tšuma koteng bjalo ka “moloi.”

¹⁹⁵ Gomme bjale le re, “*Mokgethwa Joan wa Arc.*” Mengwaga ye makgolopedi moragorago, e ka ba, ge kereke e hweditše se ba se dirilego, gore o be a le Mokgethwa, oo, ka nnete, ba dirile tshokologo ka yona; ba epile mebele ya baprista bale ba dumelitšego lehu la gagwe, gomme ba ba lahletše ka nokeng. Le nagana seo se tla tsoge se hlatswitše madi go tloga diatleng tša yona? Beibebe e rile, “Ma—ma madi a mohwelatumelo yo mongwe le yo mongwe a hweditšwe go yena.” Seo ke se Morongwa wa Morena a rilego se hweditšwe ka go Babilonia, “Mmolai yo mongwe le yo mongwe, goba mohwelatumelo, le bakgethwa bohole ba Kriste bao ba ilego ba ke ba bolaelwa tumelo, ba hweditšwe thwi ka fa go tloga Lebakeng la Bonikolaite go ya pele, mohwelatumelo yo mongwe le yo mongwe.” Naganang ka seo. (Ke a leboga, Ngwanešu Ben.) Bjale, naganang ka seo.

¹⁹⁶ Bjale, feela pejana gannyane bjale. Kereke ya Bokriste e nyetšwe go—go . . . go Babilonia. *Peregamo* e ra “monyanya.”

¹⁹⁷ Bjale, “Thuto ya Bileama. Le ne bona magareng ga lena ba ba nago le thuto ya Bileama.”

¹⁹⁸ Oo, ke no rata dilo tše. Oo, ge le ka no dula botelele gannyane go e tee, le a bona, eupša le no . . . Re nyaka go le dira le e bone gomme morago re ye pele go se sengwe gape, gobane e no—no tlala ka tše borala tša gauta. Ke nna mopuruputši; ke rata go ya tlase le go epa tše borala tše le go di phadimiša, le go di phatsimiša ka mokgwa wo, gomme ka di lebelela. Gomme yo mongwe le yo mongwe wa bona o tla bonagatša Jesu Kriste! Yo mongwe le yo mongwe wa bona, le a bona. Yo mongwe le yo mongwe wa bona o bonagatša Jesu Kriste. Ke Yena Alefa le Omega, kharete ye nngwe le ye ye nngwe—ye nngwe le ye nngwe ya gauta ka go se borala. Yeo ke nnete. Ke Yena nthatana ye

nngwe le ye nngwe ya yona. Ke ka lebaka leo A le Bomodimo bo dirilwe nama magareng ga rena.

¹⁹⁹ Bjale, gore ke tsene...nka—nka se tšee nako go se, gobane ke ne...ke a bona ke senyane. Gomme ke—ke ne selo se sengwe ke nyakago go fihla go sona bošegong bjo, ge Modimo a rata. Gomme ke nyaka le no bea se fase gomme le se bale gosasa, gomme le ngwala Numeri 22 go ya go 25. Ke nyaka le bale yeo bjale, gomme le ka kgona go šala morago ga ka. Gomme bjale—gomme bjale Numeri 22 go ya go 25.

²⁰⁰ Re a tseba gore Israele—Israele e be e le batho ba Modimo ba ba hlaotšwego. A yeo ke nnete? Ba be ba le...Ba be ba le Pentecostal. Ba bile le Moya magareng ga bona. Le elelwa molaetša wa bošego bja go feta? Ka fao gore Moshe ge a tshetše Lewatle le Lehurbedu, goba Lewatle la Lehu, le go hwetša ka morago ga gagwe ka go Lewatle le Lehurbedu, la madi, go emetše madi...bagapeletši bohole bao ba kilego ba ke ba mmetha le bana bohole ba Israele. Moshe o phagamišitše seatla sa gagwe le go opela ka Moya. Oo, yo mongwe le yo mongwe wa rena a ka ba Moshe ge re lebelela morago ka go Madi a mahubedu a Morena Jesu gomme ra bona setagwa sa kgale, lebotlelo le lengwe le le lengwe la kgale, mosadi yo mongwe le yo mongwe wa mahlapa, selo se sengwe le se sengwe sa ditšhila sa kgale se re kilego ra se dira bophelong bja rena, tšohle di hwile ka Mading a Morena Jesu. Go re dira re opele ka Moya! Disekerete, metšoko, le metlwae ye mebe, le se sengwe le se sengwe gape, se hwile, ka Mading a Morena Jesu; gona re ka phagamiša diatla tša rena le go opela ka Moya. Le a bona?

²⁰¹ Lebelelang se Miriamo a se dirilego, moprofetagadi. Bjale, elelwang, o be a le moprofetagadi. O tšere thamporine gomme a thoma go betha thamporine le go bina ka Moya, gomme barwedi ba Israele ba mo latetše tlase lešing, ba betha dithamporine tše, le go bina ka Moya. Pentecostal ya kgonthe!

²⁰² Gomme gona ge le hlokomela ge ba etla go Moaba. Bjale re ya morago...Re go Lengwalo, bjale, “thuto ya Bileama.” Gomme Moaba—Moaba o be a le ngwanaboo Israele. Ke ba bakae ba tsebago moo Moaba a tšwago gona? Go lokile. Moaba ke se ke tla se bitsago motswako, gobane gore Moaba o thomile go barwedi ba Lota. Lota o bile le lesea ka morwedi wa gagwe mong, o bile le bana ba babedi. Gomme Moaba o be a le yo mongwe wa bona, gomme o bopile setšhaba sa Moaba, mohlobo. Gomme, ka nnete, Lota o be a le motlogolo go Abraham, yo ka nnete a tlago morago ka mothalo wa go swana. Re tseba seo. Bjale ke nyaka le hlokomele ba be ba se bahetene, bjalo ka ge dipapadi tše dingwe gabjale di tla le fa go...Elelwang, ba be ba le badumedi. Bjale, ge fa go etla Israele go rotoga tseleng ya bona go ya nageng ya tshepišo, ba dira tsela ya bona thwi mothalong wa mošomo, gomme fa go letše Moaba thwi mo tseleng. Ba rometše batseta go

Moaba, gomme ba rile, “Anke re fete go kgabola naga ya lena. Re ngwanabolena.”

²⁰³ Bjale, Moaba o emetše Banikolaite. Bjale le a bona feela ka motsotsso. Israele e emetše Kereke ya therešo. Gomme Bileama o be a le yo mongwe wa dipišopo, bomopapa. Šetšang gomme le bone bjale; Bokriste bja senama. Bjale re tla lemoga gore o be a filwe, ga go pelaelo ka se. Bontši bja bona ke diboledi tše kaone, dingaka tša filosofi, le—le banna ba bagolo. Le ka se gane seo. Eupša, “Ba ne sebolepego sa bomodimo, eupša ba gana Maatla a bjona.”

²⁰⁴ Eyang morago go Pentecostal yela ya setlogo! Le se yeng kgole le fale. Ge le dira, le lahlegile. Dulang le tšhegofatšo yela. Yeo ke Yona, Mošegofatši wa tšhegofatšo.

²⁰⁵ Bjale, hlokamelang ge ba le leetong. Ba ttile godimo go kereke ye ye fomale ya motswako, gomme ba rile, “Re feta go kgabola go ya tsošeletšong. Re ya mošola go naga ya tshepišo. A le tla re dumelala go ya go kgabola? Ge dikgommo tša renna di ka latswa bjang bofe, ge ba enwa meetse afe, re tla e lefela.”

²⁰⁶ Gona o dirile eng . . .? Kgoši Balaka, o ile a thanthshelwa gohle, gomme ga se a nyaka kopano ye bjalo ka yeo ka kerekeng ya gagwe goba nageng ya gagwe. Kafao o dirile eng? O rometše godimo go mopapa, goba go pišopo, Bileama, moprofeta wa go hirwa, yena yoo a ratilego tšhelete kudu go feta a ratile Modimo. Gomme Kgoši Balaka o mmoditše, “Ge o ka tla ntla fa gomme wa rogaka batho ba, ke tla go dira motho yo mogolo.” Gomme Modimo o boletše le Balaka. Gomme ke a makala ge go ka direga go ba yo . . . ke ra Bileama. Ke a makala ke boBileama ba bakae ka lefaseng le bošegong bjo? Badiredi ba Methodist, badiredi ba Baptist, baprista ba Katoliki, (Kgaogelo!) bao ba tsebago gore Modimo . . . ge le bala histori ya go swana le Puku ya go swana ke dirago. “Bileama!”

²⁰⁷ Bjale, hlokamelang. Gona o rile, “Theogela tlase gomme o rogake batho.”

Gomme Bileama o rile, “Ke tla botšiša Modimo.”

Modimo o rile, “O se ye!”

²⁰⁸ Eupša mosong wa go latela, o rile . . . o ile gomme o boditše moprista, goba kgo—kgo kgoši.

Gomme o tla morago, o rile, “Oo, ke tla—ke tla go dira motho yo mogolo.”

Kafao Bileama o ile pele; Modimo o rile, “Eya pele gona, o ya pele.”

²⁰⁹ Le a bona, ge o ka se latele Therešo . . . O a nagana, Banikolaite, ke gobane Modimo o go direla se o se dirago ka mokgwa woo . . . Therešo ya setlogo šeo! Le no tšeа thato ya modimo ya nakanamokhura. Le re, “Modimo o re fa Moya wo Mokgethwa,” goba “O a re šegofatša, gomme re kolobeditšwe

leineng la ‘Tate, Morwa, le Moya wo Mokgethwa.’’ Lena Babileama! Le a bona, thuto ya Bileama. Modimo o mmoditše, morago ga ge a bile manganga, O nno mo lesa a ya pele, a iphega yenamong. Le swanetše go ya morago go Therešo, Therešo ya motheo. Morago go Beibele. “Oo, gabotse, O re šegofaditše! Le go- . . .” Oo, ke tseba seo. O dirile, o boditše Bileama, o rile, “Eya pele. Ge o nyaka go ya, ge seo e le . . . O tlamegile go ya ka tsela yeo, gomme o nyaka tsejana ya mokgatlo; e tsee, eya pele.”

²¹⁰ Ka gona Bileama o thomile, gomme o tabogetše godimo ga moula wa gagwe, goba, e sego moula wa gagwe, tonki ya gagwe, o ile tlase go kgabola fale. Gomme selo sa mathomo, le a tseba, Morongwa wa Morena o eme tseleng. Gomme, le a tseba, moprofeta yola, mopapa yola, pišopo, mokhadinale, e ka ba eng a bilego, o be a foufetše kudu go dilo tša semoya, kgopolo o be a eya go hlatlošwa, ka gobane o be a dula Nokeng ya Efurata. Ke a thanka o be a nagana leo ke lefa tsoko, boka “Godimo ga leswika le Ke tla aga Kereke ya Ka,’ Petro,” goba godimo ga leswika tsoko leo le bego le le ka Roma, goba se sengwe. Eupša ge a fihla lefelong, go be go eme Morongwa ka tšoša e khwamotšwego, gomme o be a foufetše kudu gore ga se a kgona go e bona. Gomme moula wa pitlaganya leoto la gagwe kgahlanong le leboto. Gomme morago o mo nameletše pele, gomme mo—mo Morongwa o eme tseleng gape. Modimo o tla thibela lemati le lengwe le le lengwe! Gomme moula wo o sa retologa go dikologa. Gomme o fologile, gomme o tšere phata gomme a thoma go e rothotha ka yona. Tonki ye ye nnyane, e letše fale, e bethwa mo hlogong.

²¹¹ Gomme nna, kgonthe se se mo fetotšego, ke eng e mo filego kgopolo, goba e mmoditšego moo a bego a phositše, O dumelitše moula wola go bolela ka maleme. E sego moula, o be a le tonki! Le se re o be a le “moula;” o be a ka se kgone go e hwetša, o be a le motswako. Le a bona? O be a le peu ya setlogo.

²¹² Moaba o be a le, “Maswao a fetile, dilo tšohle di fetile.” Israele e bile le maswao a latela.

²¹³ Eupša tonki ye ye nnyane e retologile go dikologa gomme e rile, “A ga se ke be tonki ya gago? A nkile ka . . .” Gomme pišopo yela—yela ya go foulala e dutše godimo fale, a sa betha moula wola; gomme moula wa bolela le yena, ka maleme a go se tsebję go moula.

Gomme o rile, “Ee, o—o tonki ya ka.”

“Gomme a nkile ka—ka se go belege, goba nkile ka go palediša?”

“Aowa, ga se nke. Eupša ge nkabe ke swere tšoša, ke be ke tla go bolaya, ke tla emiša kopano ye. Ke tseleng ya ka tlase fale go emiša sehlopha sela sa bapshikologibakgethwa go se kgabole naga ye. Ke tla—ke tla e bea go wena.” Le a bona?

²¹⁴ Gomme selo sa pele le a tseba, o diregile go lebelela tikologong, o naganne, “Gabotse, se se a segiša. Ke kgona go kwa moula wola o bolela.”

²¹⁵ Oo, Bileama! Mmm! Le a bona, Modimo ka mehla o boletše ka maleme a go se tsebje go batho. O e dirile matšatšing a . . . Le re, “Yeo e no ba go Pentecostal.” Oo, aowa. Aowa, aowa. Moketeng wa Belesatsara O boletše ka maleme, o E ngwadile lebotong. Ba bile le monna fale a bilego le mpho ya go hlatholla, kafao o ba hlatholletše yona, o ba boditše se e bego e le sona. Selo sa go swana lehono.

²¹⁶ Kafao, go beng gore go be go se mohlatholli wa Yona, Modimo o nno dira Bileama yo wa kgale a phafoge (mokhadinale yo) le go lemoga se E bego e le. Gomme a le tsebile moisa yola wa go foufala o ile pele thwi go le bjalo? Kgonthé. Ke ka tsela yeo ba e dirago lehono, selo sa go swana; Bamoaba, Banikolaite, ba eya pele thwi. Gomme ba ile pele thwi godimo fale, gomme o ile . . . Bjale šetšang, ge Modimo a be a ka swanela go hlompha bomotheo, O be a tlamegile go šegofatša Moaba; gobane, hlokamelang, Bileama o agile dialetara tše šupago. Yeo ke tlwa.

²¹⁷ Nomoro šupa: mabaka a šupago a kereke. Le bona ka fao tirišo ya semoya? Bjale, swarang seo bjale: tirišo ya semoya. Ke ya go fihla go yona mo motsotsong, ka go lefelo le boima. Le a bona, tirišo ya semoya. Dialetara tše šupago, dipoo tše šupago (diphooftolo tše di hlwekilego), dikgapa tše šupago; go bolela ka go tla ga Kriste, mengwaga ye makgolokgolo pele A etla.

²¹⁸ Eupša, ba dumetše. Ba dumetše eng? Ba dumetše go Jehofa Modimo. Ke eng gape ba e dumetšego? Ba dumetše gore sehlabelo se se hlwekilego se be se neelwa. Yeo ke nnete. Gomme ba tteleimile gore ba dumetše gore Mesia o be a etla, gobane ba neetše n—n nku ye tona, e bego e le kgapa. Yeo ke nnete?

²¹⁹ Bjale, o no tlemelela le Mobaptist nako ye nngwe; hwetša ge eba ga ba dumele selo sa go swana. Yeo ke nnete tlwa.

²²⁰ Gabotse, bjale phapano ke eng? Israele še tlase patogeng ya thaba, e neela meneelo ya go swana yeo ba e neetsego godimo fale, ba rapela Modimo wa go swana. A ga le kgone go bona Bonikolaite? Motswako! Le a bo bona? A ga le bone ba semoya ba therešo? Phapano ya bona e be e le eng? Yo mongwe wa bona o bile le maswao a latela! Yola yo mongwe o bile le sebopego, yola yo mongwe o bile le maswao a latela.

²²¹ Ke selo sa go swana se diregilego fa, Nicene Council; Bonikolaite, Bokriste bjo bofomale. Gomme Moya wo Mokgethwa o tla morago gomme o rile, “Le na le thuto ya Bileama magareng ga lena.” Le a bona? “Gomme lena . . . Ke hloile yona mediro ya Banikolaite, tšona dithuto tšeob ba nago tšona, gobane ke thuto ya Bileama yo a rutilego bana ba Israele go thedimoga.” O e dirile bjang?

²²² Gona ge a ile ntle go roga batho bale, Modimo o rile, "Ke tla bofa leleme la gago; o ka se bolele bontši go feta Ke go botša. O ka se roge se Ke se šegofaditše." Kafao o lebeletše fase fale.

²²³ Gomme lebelelang moikaketši yo! Oo, re ka no kitimela ntle le yona, le a bona. Lebelelang Kgoši Balaka yo wa kgale, hlo—hlo—hlo—hlo hlogo ya yona yohle, o boditše yo fa mopropfeta wa maaka, o rile, "Eya tlase fale gomme o no lebelela karolo ya bomorago bja bona."

²²⁴ Ke tsela yeo di—di dikereke tše kgolo di ratago go bolela go bonnyane bjo bonnyane bja Modimo. "Le tseba eng? Ke tsebile yo mongwe wa bona. Šaatena! Le tseba se a se dirilego? O—O dirile *se*, gomme o dirile *sela*. Bona Mapentecostal. Kgonthe." Oo, eupša ge le ka be le tsebile therešo ka ga *bona*, eupša dipampiri le dilo di tla homola. Eupša anke Mopentecostal yo monnyane a tšwe mneteng nako ye nngwe, gomme šetšang ka fao naga ka moka e e šwašwathago. Kgonthe. Ee, mohlomphegi.

²²⁵ Eupša, bjale hlakomelang, o rile, "Nno lebelela karolo ya bomorago, bomorago, karolo ye mpempe ya yona." Biliama o rile, "Ya, ke tla no lebelela karolo ya bomorago, karolo yela ye mpe se ba se dirago. Ke seo ke tla se dirago, ke tla no lebelela bohlaswa bja bona—bja bona, go se loke ga bona." Gobane ge o be o lebeletše go se loke, ba be ba se. Yeo ke nnete. Ba dirile sebe se sengwe le se sengwe ka go tšupamabaka. Eupša se a šitilwego go se bona, o šitilwe go bona Leswika le le otlilwego, Sephente yela ya Mpshiri, lethabo lela la Kgoši magareng ga bona, phodišo, maswao, matete, le Pilara yela ya Mollo e lekeletše godimo ga bona.

²²⁶ Mopropfeta yola wa go foufala ga se a E bone. Aowa, mohlomphegi. Eupša o be a bontšha karolo ya bona ya ditšhila, "Gabotse, ke tseba yo a tšhabilego le mosadimogatša wa monna yo mongwe. Ke—ke tseba se, o utswitše tšhelete tsoko." Yeo ke nnete. Yeo ke nnete. Ke tla amogela seo; eupša ba ne selo sa go swana godimo fale, eupša ga se ba re selo ka sona. Le a bona? Kafao o nno bontšha karolo ye mpempe.

²²⁷ Eupša O rile, Modimo o rile, "O nno bolela se Ke se bolelago." Gomme Bileama o tsene Moyeng, a swarwa ke mantladima; gomme sebakeng sa go roga Israele, o e šegofaditše. Amene! Ke yena yola.

²²⁸ Bjale, ge Modimo a ne moperputso... goba tlhompho go motheo, dikolo tše di phagamilego tše, le diseminare tše kgolo le dikholetše, le Ph.D.'s le D.L.D.'s le, oo, mehuta yohle ya D.D.'s... Gabotse, go ka reng ge A ka be a bile le tlhompho go seo, gabotse, gona, le ka... O be a tla swanela go ba le tlhompho go bona. Le a bona? Eupša O hlomphile gomme be šetše a šegofaditše batho ba ka tšhegofatšo, gobane Moya, Kgoši... Ba rile, "Go bille le mogobo wa Kgoši ka kampeng." Eng? Eng? "Kgoši ya bakgethwa." Legoa le lethabo! La eng? Mmušo wo mongwe.

²²⁹ Ke tla netefatša go lena ba be ba se dikereke tša maina. Le nyaka ke dire seo? Ke a nagana ke ngwadile Lengwalo fa go seo. Ee, mohlomphegi. Anke ke netefatše go lena gore Israele e be e se . . . A re phuthulleng morago go Numeri, feela gore le ke le bone gore ba be ba se. Bona . . . Bjale, Moaba o be a le kereke ya leina ye kgolo. Re ya go hwetša Numeri 23:9, ke tla hwetša te—te temana ya 8 le yona:

Gomme . . . *Nka bjang—Nka rogaka bjang*, (go boletše Bileama), *yo Modimo a sa mo rogakago? goba nka nyatša bjang, yo MORENA a sa mo nyatšago?* (Uh-huh.)

²³⁰ Bjale theetšang se . . . se A se boletšego:

Gobane—Gobane go tšwa bogodimo bja maswika ke bone yena, . . . (Yoo ke Modimo. E sego go tšwa tlase ka moeding, eupša go tšwa ntlhoreng ya maswika. Oo! “Mahlo a Gagwe a go dithaga, gomme ke a tseba O ntšreditše.”) . . . *go tšwa bogodimo bja maswika ke bone yena, . . .* (Amene! E sego go tšwa go sengwe . . . morego ka morago ga moedi tsoko gore o kgone go bona karolo ya morago ya bona; “Ke bone selo ka moka,” Go boletše Morena.) . . . *go tšwa bogodimo bja maswika ke bone yena, gomme go tšwa dithabeng ke bogetše yena: bonang, batho ba tla dula ba nnoši, gomme ba ka se balwe magareng ga ditšhaba.*

²³¹ Seo se a e ruma? Ba be ba se kereke ya leina, “ditšhaba.” Oo, ba be ba le baneneri, ka ditenteng, mekgobeng, tlase khoneng ya mokgotha, mišene wo monnyane. Ba šeleta morago, ka rente, ba raketšwe ntle; Modimo o be a ba nyaka go ya felotsoko gape. Le a bona? Baneneri! Thwi!

²³² Godimo ka Jamaica, e se kgale botelele, go bile le ngaka ya bomodimo ye kaone ya Mopentecostal e eme fale. Gomme ke rile, “Oo, Morena o šegofaditše Kereke ya pele ya pentecostal gakaakang: ga se ba be le selo.” Ke rile, “Ba be ba no ba baneneri, gohle.”

O rile, “Uh, Ngwanešu Branham?”

Ke rile, “Ee, ngwanešu.” Ke a mo rata; ngwanešu yo mokaone.

Gomme o rile, “Ke—ke no nyaka go go bontšha fao o lego phošo.”

Ke rile, “Oo, ke thakgaletše seo kudu. Ka mehla ke—ke nyaka go tseba fao ke lego phošo, gobane Modimo o tseba seo; ga—ga ke nyake go ba phošo.” Ke rile, “Gabotse, ge ke le phošo, ka kgonthé ke nyaka go e tseba, ngwanešu. Ke a go leboga.”

O rile, “O tšwelapele o reta batho bale ba pentecostal.”

Ke rile, “Ee!”

O rile, “Ba dirile bošaedi bja go šiiša kudu ba kilego ba kilego ba ke ba bo dira, ge ba rekišitše thoto ya bona.” O rile, “Ge tlhomaro e tsoga, ebile ga se ba be le legae go ya go lona. Ga se ba be le lefelo go ya, gomme ba nno tsekella gohle.”

Ke rile, “Feela tlwa thato ya Modimo.”

O rile, “Gobaneng?”

²³³ Ke rile, “Ge nkabe ba bile le legae ba ka be ba ile morago, eupša ba ile ba swanelo go ya go tloga fa go ya fale, ba phatlalatša ditaba, mogohle, gore Moya wo Mokgethwa o tlie. O se mpotše Modimo o dira phošo. Ga a ke a dira bošaedi. O tseba a e dire bjang. Ba rekišitše dithoto tša bona gomme ba fetoga dirišane, ba phatlalatša ditaba mogohle.” Gomme ke rile, “Ditaba di phatlaladitšwe mo gohlegohle lefaseng ka moka le le tsebjago nako yeo, ka bona baneneri ba ba gafilego se sengwe le se sengwe go ba le Moya wo Mokgethwa.” Batho ba be ba se ba kereke ya leina. Le a bona?

²³⁴ Bjale, elelwang, kereke ya leina ke se Modimo a se bitšago, “Se entetšwe ka go thuto ya Bileama.” Gabotse, gona, ge a sa kgona go ba tsenya ka go kereke ye ya leina, le tseba se Bileama a se dirilego? Bjale, theetšang kgauswi bjale, re tla kgauswi le go tswalela. Bjale se Bileama a se dirilego, o dirile sona selo sa go swana ba se dirilego fa ka Nicene Council. Ke ka lebaka leo A rilego, “Le na le thuto ya Bileama le bale ba Bonikolaite.”

²³⁵ Bjale, Banikolaite ba be ba le batho ba ba ngadilego gomme ba nyakile go dira mekgatlo le—le go ya pele. Ye, mafelelong... Ke ba bakae ba tsebago yeo ke Therešo ge ke re, “mokgatlo”? Yeo ke tlwa Therešo ya Modimo. Gomme mafelelong ba beakantše mokgatlo wo mogologolo ka lefaseng. Gomme ba o dirile eng? Katoliki. Gomme lentšu *katoliki* le ra eng? “Lefasetšekelele.” Mokgatlo, lefase ka bophara, o beakantšwe, “Dilo tše dinnyane tšohle tše di swanetše go tla ka kerekeng e tee.” Bjale, ge le ka lemoga. Oo, ke... le no tšwelapele le eya.

²³⁶ Lebelelang! Babilonia e be e le eng? Ke mang a thomilego Babilonia? Nimirode. O dirile eng? O dirile tora e tee e kgolo toropongkgolo e tee, gomme o dirile ditoropokgolo tšohle tše dingwe go loba toropokgolo ye. Mokgatlo! Ao ke mabokamorago a ona. Kgonthe. Wa tla thwi godimo fa ka go lebaka la kereke gomme wa kgatlofatša gape, gomme wa tliša ditšhaba ka moka ka go yona. Gomme thwi fa E rile, “Seotswa seo se dirilego ditšhaba tšohle go nwa beine ya mahlotlolo a gagwe.” Bootswa bja gagwe a bego a bo dira, a teleima go ba “Mokriste” gomme a neelana ka selo boka seo: dikatikasema, dipuku tša thapelo, le se sengwe le se sengwe gape. Gomme Maprotestant a tla thwi, selo sa go swana, go no latela thwi mehlaleng ya gagwe.

²³⁷ Go lokile, a re no yang pejana gannyane nthatana bjale. Go lokile. Go lokile. O boletše bjale, gore, “Tše e be e le dithuto tša Bileama.”

²³⁸ Bjale, Bileama o dirile eng ge a hweditše gore ga a kgone—gore ga a kgone go rogaka Israele? O boditše Balaka go tla ba kgopoloye botse, gona, go yena go mema batho ba go mokete wa modimo. Ba bile le—ba bile le mo—mo mokete wo mogolo godimo fale, ba be ba . . . moo ba bego ba eya go ba. Gomme ba . . . Mokete o be o bitšwa “Mokete wa Baale-p-e-o-r-e, Baale-peore.” Ke a eleletša p—. . . peore, Baale-peore. E be e le mo—mo mokete, go rapela.

²³⁹ Gomme Bileama o rile, “Bjale, ke tla go botša, Balaka, ke tla go fa kgopoloye botse. Ge o ka no . . . ge o . . . Modimo a ka se ba rogaka, seo ke sohle se lego go yona, kafao ke tla go botša se re tlago se dira. Re ka se kgone go ba fediša; eupša ge o ka no ba mema, o tla retollela selo ka moka tseleng ya gago.”

²⁴⁰ Le a bona, tlwa, se Constantine a se dirilego tlwa. Ka phethagalo! Ke ka lebaka leo “thuto ya Bileama.”

²⁴¹ Ba dirile eng? Bona morago . . . Thuto ya Balaka e theogela tlase magareng ga Israele. Gomme ba memile Baisraele bohole go mokete wo mogolo wo, mokubego wo mogolo ba bileygo le wona. Oo, phathi tsoko ye kgolo, lešata la selo ba bileygo le Iona godimo fale. Gomme ge ba fihlile godimo fale, gabaneng, batho ba ba Israele ba thoma go bona ba ba go kgahliša, basadi ba go apara thobalano ba Moaba. Ee, ba be ba se boka basetsana ba bona ba setlwaeidi tlase fale. “Oo, ba bonagala go kgahliša kudu. Nna! Ka fao ba dirilwego le, oo, ka fao ba kgonago go ipontšha bonabeng.” Gomme ba e wela godimo, gomme ba thoma go dira bootswa. Gomme Bileama o tsebile ge Modimo a ka se ba rogake, o tla ba tseela godimo go lehlakore le la kereke ya leina gomme a hlola pefelo ya Modimo go ba bolaya go le bjalo; anke Modimo a ba bolaye Yenamong, ge a ka kgona go tsoge a ba ntšhitše tseleng ya Therešo.

²⁴² Gomme ka pela ge o sepelela ntle le go tšoena kereke sebakeng sa go amogela kolobetšo ya Moya wo Mokgethwa, o hwile! (E sego go lena, eupša go *fa*, ke dumelela seo se nwelele nakwana gannyane.) O hwile! “O na le leina,” o boditše Luther *fa*, wa Lebaka la Sared. Lentšu *Sared* le ra “o hwile.” “O na le leina gore o a phela, eupša o hwile!” Ke seo Modimo a se boletšego. Ya. Le a bona?

²⁴³ Gomme ge ba dirile bohlotlolo bja semoya godimo fale, kereke e nyetše go tloga go kolobetšo ya Moya wo Mokgethwa go ya go kereke ya leina, ba bile bahu. Ke lena bao. Ke seo Beibebe e se boletšego, ke seo Modimo a se boletšego, a bolela le dikereke.

²⁴⁴ Bjale ke nyaka go no le balela se sengwe fa, seo ke . . .

²⁴⁵ Gomme Modimo, O dirile eng? Gomme bjale ge ba dirile selo se sempe se, gomme ba be ba le bootsweng, Modimo o bolaile dikete tše masomennepedi tša bona ka nako e tee; dikete tše masomennepedi, go direng bootswa. Gomme e bolela ka eng fa ka kerekeng? Bootswa bja semoya, gore le ipolela go ba “Mokriste”

gomme o sa phela bjalo ka lefase. Oo, ngwanešu, wena amogela Moya wo Mokgethwa! Eya kgole le dithutotumelo tše tša kgale le dilo o . . . di hwile; go reta Thutotumelo ya Baapostola, goba mohuta tsoko wa thutotumelo, le go bolela dithapelō di se kae di ngwadilwego go tšwa pukung ya thapelō, goba se sengwe boka seo. Jesu ga se nke a ke a botša batho ba Gagwe go bolela thapelō, O rile, “Rapelang!” Rapelang! Go lokile.

²⁴⁶ Bjale, mokete wa Constantine, feela boka Biliama. Bjale šetšang. Boka mokete wa bohetene wa Bileama, Constantine o bile le mokete wa bohetene. Go lokile. Peregamo e ile ya mengwa. Gomme hlokomelang bjale se . . .

²⁴⁷ Ke ne se sengwe se ngwadilwe fa, ke ya go se tlogela gonabjale. Go lokile. Go lokile. Ke be ke no leka go swara noute ye fa ya . . . se sengwe ke se ngwadilego.

²⁴⁸ Peregamo e menngwe. Go lokile, ba be ba menngwe go mokete ka morago ga Nicene Council. Ba be ba menngwe go mokete wa *Seremo sa Marega*; se ra go, “letšatši, thapelō ya letšatši,” e bego e le modimo wa bohetene; wo o wetšego ka la 21 Desemere, letšatši le lekopanakopana ngwageng. Gomme mengwaga . . . Nako ya go swana ga e fetoge go fihla la 25 Desemere. Bahetene bohole ba le ketekile, letšatši la matswalo la modimoletšatši. Letšatši la matswalo la modimoletšatši e be e le letšatši le lekopanakopana ngwageng, la 21 Desemere. Gomme morago mang le mang a kilego a bala histori ya dikereke o a tseba gore bahetene ba rapetše ka letšatši leo. E be e le moketeko.

²⁴⁹ Gabotse, Baroma ba bile le . . . ba bile le dipapadi tše kgolo, sorokisi ya Roma. Ke ba bakae ba bonego se fa, e ka ba eng e lego, fa e se kgale botelele, ba bile ntle? Ben Hur! Le a bona? Bjale, sorokisi ya Roma; seo ke se Baroma ba bilego le sona letšatšing leo la letšatši, segopotšong sa letšatši la matswalo la modimoletšatši. Le a bona?

²⁵⁰ Gomme bjale . . . gomme ba dirile mokete wo mogolo godimo fale gomme ba memile Banikolaite go tla. Oo! A ga se sa phethagalā? “Thuto ya Bileama o ne yona ka go wena.” Le a bona, a botša Peregamo se ba bilego le sona, mekato ye megolo. Fale ba naganne gore . . . Banikolaite ba ba naganne, “Gabotse, bjale, go lokile. Mokete wo mogolo wo o ketekwa ngwaga ka ngwaga? Ee.” Kafao gona ka memo go yo—yo—yo a bitšwago mopišopomogolo, goba e ka ba eng a bego a le nako yeo, le se sengwe le se sengwe, ba tšere go e dira selo sa kgafetša: go tliša bohlotlolo ka gare, go tliša bootswa ka gare, go bopeng kereke ya Katoliki; ye e lego kereke ya leina ye nngwe le ye nngwe ya Protestant ke moleloko wa ona, mokgatlo. Modimo ga a ne mokgatlo, gomme o hloile lona leina la ona. Beibele e boletše bjalo.

²⁵¹ Gomme ge ba dirile seo, go diregile eng? Ba—ba rile bjale . . . Ba ile ba swanelo go ba le tirišo ya semoya, kafao ba fetotše

(Morena Jesu) letšatši la matswalo la M-o-r-w-a wa Modimo go tloga go Aporele (Le dirutegi tše kaone tšohle di a tseba, le e ka ba mang ka kutollo ya semoya, gore O tswetšwe nakong ya tlhago boka ge dikwana le se sengwe le se sengwe gape se tswalwa: ka Aporele.) moragorago go letšatši 25 Desemere. Gomme ba sa rapela Krisemose, bjale ke Santa Claus. Gomme eng... Oo kgaogelo. Le a bona? Go sa le meketeko ye mentši ya bohetene e oketšwago go yona. Seo se no ba tšohle. Ke lena bao, le menngwe, Bileama. “O ne thuto ya Bileama magereng ga lena.” Šeo fao. (O Modimo, nno e utolla, Tate.) Le a bona? Letšatši la matswalo go tloga Aporele go fihlela...

²⁵² Bjale, rahistori o bolela gore “Bohlatse bjhople gore Jesu o tswetšwe kgwedding ya Aporele ge bophelo bjo bongwe bjhople bo tšwelela.” Eupša ba le fetotše morago go letšatši la 25 Desemere, matšatši a mahlano ka morago ga (le a bona?) ka morago ga modimo wa bohetene, gore ba kgone go bea meketeko ya bona mmogo: bohetene le Bokriste. Gomme Bokatoliki ga se selo lefaseng eupša sehlopha sa ditumelokhwelo tša bohetene le mathuhu a Bokriste a beilwe mmogo. Yeo ke nnete. Yeo ke therešo. Gomme Maprotestant ao a e khunamelago e no ba tlwa morwedi wa mme mmalegogwana. Yeo ke tlwa.

²⁵³ Bjale, Modimo re thuše go ba bagwabi ba kgonthé kgahlanong le e ka ba eng e sego ya bomodimo. Le a bona? Oo!

²⁵⁴ Gomme go dira tirišo ya semoya le yona, a le a tseba se pišopo a se boletšego? Pišopo o rile, “Re ne tokelo go dira se gobane yena ke ‘Letšatši la toko.’” Mmm! Oo, ba hweditše sehlaresantširela, boka ba dira “Tate, Morwa, le Moya wo Mokgethwa;” Mateo 28:19, mohuta wa go swana, tlwa. Kgonthé, ba hweditše sehlaresantširela, ba swanetše go ba le mohuta wo rilego wa tirišo ya semoya, le a bona. Eupša ga e...

²⁵⁵ Beibele e rile, “Ka molomo wa dihlatse tše pedi goba tše tharo anke lentšu le lengwe le le lengwe le eme.” Modimo o boletše go seo, O e boletše makga a mararo. Ge Modimo a tšeа go kgonthišia se sengwe gape, O tsere Petro, Jakobo, le Johane; se sengwe le se sengwe A se dirilego, O bile le dihlatse tše pedi goba tše tharo go netefatša se sengwe le se sengwe A se dirilego, tsela yohle go kgabola Lengwalo. Yeo ke nnete.

²⁵⁶ Eupša, le a bona, dilo tšela tše dinnyane di swanetše go tla fale gore di kgone go e topa go ba seo. Modimo o e tsebile pele ga motheo wa lefase. Šele ba e swere, tirišo ya semoya, “Gobane yena ke M-o-r-w-a wa Modimo, re tla no tšeа letšatši la matswalo la l-e-t-š-a-t-š-i la sehetene le go le dira letšatši la matswalo la M-o-r-w-a, gomme gobane ke yena ‘Letšatši la toko.’” Mmm! Mmm! Le a tseba, Maprotestant a sa wela seo, se sengwe boka seo. Kgonthé, ba tla dira, go e tloša thwi go tloga go Lengwalo go yeng felotsoko gape. Oo, nna! Ke... Anke—anke re no ema lebaka la motsotso. Go lokile.

²⁵⁷ Sese selo se setee se sennyane ke tla ratago go fihla go sona. A re hwetšeng mafelelo a temana ye fa thwi ka pela. A re ka e dira? Ya. Gabotse, ke tla potlaka ka kgonthe, ka pela ka kgonthe bjale, gomme le tla . . . re tla betha mabalankwe a Yona. Go lokile. Re go kae bjale?

Eupša . . . dilo di se kae . . . Ke natšo . . . kgahlanong le wena, . . . Bileama, . . .

Yeo ke nnete, ke swere yeo.

Kafao o na le bona . . . thuto ya Banikolaite . . .

Sokologa; . . . goba Ke . . . tla . . . ka pela, gomme . . . ke tla lwa kgahlanong le wena ka tšhoša ya molomo wa ka.

Yo a nago le tsebe, anke a kwe se Moya o se botšago dikereke; . . .

²⁵⁸ Nna! Fa ge Constantine a dirile se, e be e le . . . Ge ba lokišitše mokete wo mogolo wo. Ke—ke nno . . . ke thomile go sepela go tloga go seo; Ke ya go leta pele ke bala seo gobane Moya wo Mokgethwa o tšwelapele o boela morago, ke ka lebaka leo ke dirile se ke se dirilego nako yeo; o rile, “O se gomiše seo.” Le a bona? Sese se a tla! Uh-huh, uh-huh, uh-huh. Go lokile. Lebaka . . .

²⁵⁹ Ge ba lokišitše selo se segolo se, (Ke nyaka go le botša go diregile eng gore le kwešiše.) seo e bile matswalo a ka morago ga dimileniamo. Gobane kereke e ile ya huma; e be e humile ka mo e kgonnego go ba. Gomme e be e le eng? Maatla. E be e le ka godimo ga mmušo; mmušo le kereke di be di le mmogo.

²⁶⁰ Bjale, Modimo ka mmušo? Gomme a Jesu ga se a bolela gore ba . . . Se sengwe le se sengwe sa ditšhaba tše e be e le sa gagwe o boditše Jesu bjalo, o Mmontšhitše mebušo ya lefase, o rile, “Yona wo mongwe le wo mongwe ke wa ka. Ke dira e ka ba eng ke e ratago ka yona.” Gomme morago wa kopanya Modimo le diabolo mmogo? Oo, o ka se kgone go e dira! Ka kgonthe, o ka se kgone. Ke lebaka leo mmušo o kgatlofaditšwe. Modimo ga se a, mekgatlo ye. Ka kgonthe aowa, o ka se kgone go e dira.

²⁶¹ Eupša ba bile le yona nako yeo, ba bile le kereke ya bona e bitšwago Bokriste; ba bile le yona e kopantšwe le setšhaba, mmušiši ka moka wa Roma, yohle ya yona. Pišopo yo mogolo godimo fale godimo ga yona yohle, e bego e le Boni—. . . Ka morago ga nakwana ba mmiditše mopapa, eupša o be a le—o be a le pišopo nako yeo. Gomme Boniface III e bile yena a bilego mopapa wa mathomo.

²⁶² Morago re hwetša gore fa o dutše godimo fale ka kgonthe bjalo ka mopapa godimo . . . Modimo ba bilego le yena, ka sebopego sa motho. Ba bile le aletara ye kgolo. ba bile le mahumo a makaone. Ba bile le tše kgolo, tše maatla, dialetara tša go manegwa ka mabole, le go kgabišwa ka matlapa a bohlokwa, le go ya pele, gohle godimo ga yona. Gomme ba bile le dikereke

tše kgolo. Ba laotše mmušo. Gomme le tseba eng? Lentšu le ile ntle gore “woo e be e le Mileniamo,” gore tšohle ditshepišo go bona Bajuda ba go šokiša, gore, “Modimo o be a ba lebetše” (se A rilego A ka se tsoge a se dira), le go leka go tliša Mileniamo pele ga go tla ga Morena Jesu. Ge Jesu a etla ke ge Mileniamo o thoma.

²⁶³ Leo ke lefelotswalo la ka morago ga mileniamo. Gomme ke lebaka leo Katoliki e sa rute go tla ga Kriste, go fihla letšatšing le. “Yohle e ka kerekeng. Wo ke Mileniamo. Kereke e ne se sengwe le se sengwe. Ye ke yona.” Le a bona, ka morago ga mileneamo (Oo, nna!) ntle le go bowa ga Jesu Kriste. Ye e diregile go fihla go bolawa ga go beakanywa ga Constantine go go tlilego magareng ga 312 le—le... A.D. 312 le 606. Morago Boniface III o dirilwe pišopo goba mopapa lefasetšekelele godimo ga kereke ka moka lefasetšekelele.

²⁶⁴ Ke a dumela re tla fetša temana ye, gomme morago ke tla ba le yona. Tumišang Modimo. Le a bona? Bjale, Ke nno swarelela feela bakeng sa motsotsso. Temana ya 17:

Yo a nago le tsebe, anke a kwe se Moya—Moya o se botšago dikereke; Go yo a fenyago ke tla mo fa go ja... mana wo o utilwego, gomme ke tla mo fa letlapa le lešweu, gomme ka letlapeng leina le leswa le le ngwadilwego, le go sego motho a le tsebago ge e se yo a le amogelago.

²⁶⁵ A bokaone le ka leta go fihla gosasa bošego, goba le be le yona bjale? [Phuthego e a fetola, “Bjale!”—Mor.] Go lokile.

²⁶⁶ Tate wa Legodimong, ke a rapela gore O tla dira batho go kwešiša bjale, ka Leina la Morena Jesu Kriste, gore ba ke ba kwešiše mogohle (le moo ditheipi di yago), gore ba ke ba tsebe gore ke—ke bolela se gobane Ke—Ke tlhathollo ya Semodimo Wena o mphilego. Amene.

... *yena yo a fenyago...*

²⁶⁷ Selo sa pele ke nyakago le se elelwe: gore yo mongwe le yo mongwe wa melaetša ye o lebišitšwe e sego go kereke, eupša go morongwa wa kereke. Lebelelang morago fa, wa pele, kereke ya Efe—... Go kereke... To mo...

... *Go morongwa wa Kereke ya Efeso...* (Yeo ke nnete?)

²⁶⁸ Go lokile, lebaka la kereke la go latela, temana ya 8:

... *go morongwa wa kereke ya Simirana...*

²⁶⁹ Go lokile, le temana ya 12:

... *go morongwa wa kereke ya Peregamo...* (A yeo ke nnete?)

²⁷⁰ Molaetša o lebišitšwe go moetapele wa kereke. Modimo a thuše mothaka yoo yoo a tla gogelago kgole go tloga go Molaetša! Eupša O filwe go morongwa, gomme morongwa o be a le seatleng

sa Gagwe ka tlase ga taolo ya Gagwe, a o fa maatla a go letlega go tšwa go Yena, go tšwa seatleng sa Gagwe se setona. Ba ka seatleng sa Gagwe se setona, ke gore, ba ka maatleng a godimodimo ge ba le fa mo lefaseng; gobane ke bona Dietša go tšwa go Yena, ba efa Seetša go lebaka lela la kereke. Le a bona? “Go *morongwa* wa kereke.” Lebišitšwe go *naledi* (ya lebaka) e nago le maikarabelo. Morongwa wa kereke o ne boikarabelo ge a sa rere Lentšu. Yeo ke nnete. Gomme morongwa yoo o tla swanela go arabela kahlolong.

²⁷¹ Ke ba bakae ba elelwago pono fa e sego kgale botelele ka ga... Lebelelang fa. Ge ke be—ge ke be ke letše fase malaong, gomme Moya wo Mokgethwa wa tla; gomme ke lebeletše morago, mosadimogatša wa ka fale. Gomme fale ke be ke letše fale, gomme ke ile godimo ka Bogeneng fale, gomme ke bone batho bale bohle. Gomme le elelwa ke le botša seo? Bohle ba lena le a dira. Le a bona?

Gomme ke rile, “Gabotse, a ba...?”

O rile, “Ke ba gago.”

Ke rile, “Bohle ke ba ga Branham?”

O rile, “Aowa.” Go be go le dimilione tša bona. O rile, “Bao ke basokologi ba gago.”

Gomme ke rile, “Basokologi?”

²⁷² “Bona mosadi yola yoo o bego o mo reta kudu, fale, yo moswa gomme yo mobotse,” o rile, “o be a fetile masomesenyane ge o mo hlahlela go Kriste.”

Gomme ke rile, “Oo!” Ke rile, “Gona ke be ke boifa se?”

Gomme o rile, “Re letile fa bakeng sa go tla ga Morena.”

Ke rile, “Ke nyaka go Mmona.”

²⁷³ O rile, “O ka se kgone go Mmona bjale, eupša” o rile, “ka pela O tla tla. Re Mo letile, eupša ge A etla, O tla tla go wena pele. Gomme o tla ahlolwa go ya ka Ebangedi o e rerilego, gomme re tla ba balatedi ba gago.”

“Gabotse,” ke rile, “o ra gore ke ne maikarabelo go bohle ba?”

“Bohle ba rena!”

Ke rile, “Gabotse, a yo mongwe le yo mongwe...?”

O rile, “O tswaletšwe go ba moetapele.”

Gomme ke rile, “Gabotse, a yo mongwe le yo mongwe o tla ba le boikarabelo?”

O rile, “Moetapele yo mongwe le yo mongwe.”

Ke rile, “Go reng ka Mokgethwa Paulo?”

O rile, “O tla ba le maikarabelo bakeng sa *lebaka* la gagwe.”

“Gabotse,” ke rile, “ke rerile Ebangedi ya go swana a dirilego.”

Gomme dimilione tša digalontšu di phagamile, di rile, “Re ithekgile godimo ga seo!” [Phuthego e re, “Amene!”—Mor.] Le a bona? Ke lena bao, “ithekgile.”

²⁷⁴ Kafao *morongwa* wa Modimo, motseta go kereke, o ne boikarabelo ge a sa rere Lentšu. Go lokile.

²⁷⁵ “Mana a utilwego.” A re feng tlhathollo bokaonekaone re kgonago. A “mana a utilwego” a kaya eng? Mana a utilwego a be a le mana a bolokilwego ka lefelong goba... senkgwaponagatšo, ka Beibeleng, seo se bego se le fela sa moprista. Ke ba bakae ba tsebago seo tikologong? Le a bona? Bjale, se be se se sa... Ba bile le borotho bja phuthego, eupša go be go ne borotho bja go ikgetha bja moprista. A yeo ke nnete?

²⁷⁶ Bjo ke borotho bja go ikgetha, borotho bja go ikgetha, mana a *utilwego*. Ke eng? Ke mang Mana a renā? Kriste. Go lokile, Mokgethwa Johane, temā ya 6, temāna ya 48 go ya go ya 50, gele e ngwala. Jesu o rile O be a le “Borotho bja Bophelo bjoo bo tšwago go Modimo go tšwa Legodimong,” Mana.

²⁷⁷ Gabotse, ke eng “mana a utilwego”? Mana ga a fiwe phuthego yohle. Kutollo e tšhollelwa godimo ga morongwa wa kereke, kutollo ya Lentšu. Le a bona? Kutollo ya Lentšu e fiwa morongwa wa lebaka leo, gobane e utilwe go mogohle, gomme e utollwa morago (mana a utilwego) go... E lebišitšwe go *morongwa* wa kereke. Le a bona? Le a e hwetša? Ke kutollo ye kgolwane gannyane ya se Kriste a lego sona, mohlomongwe pitšo ya godingwana gannyane.

²⁷⁸ Makala ge eba Luther o lemogile seo? Makala ge eba Wesley o dirile letšatšing la gagwe? Oo! Makala ge eba Mokgethwa Martin o e lemogile? Irenaeus? Bjale, le a tseba, kereke ga se ebile e godišē banna bale, ba be ba se bakgethwa go bona; eupša ba be ba le bona ba bilego le maswao a latela. Ba tšere dipišopo tša bona—tša bona beng, le go ya pele, go ba godiša.

²⁷⁹ Gobaneng, fa e se kgale botelele, mosadi o ile go hwetša *Bophelo bja Mokgethwa Martin* lebenkeleng la dipuku tša Seisemane. Gomme ge... O rile, “Mokgethwa Martin.”

²⁸⁰ Gomme motho o ntšhitše raka ntle, o rile, “Ga a tsebjé kudukudu mo historing, ga se a godišwa.” Le a bona? Go fihla le lehono le; eupša Modimo o ne leina la gagwe, Modimo o tseba ke mang.

²⁸¹ Le a bona, yeo ke phapano. Yo mongwe o nyaka leina la bona go se sengwe se segolo, eupša batho ba Modimo ba nyaka go efoga mohuta woo wa selo. Ga ba nyake dilo tše kgolo, le se sengwe se segolo; ba nyaka go kokobela, go kokobela goo. Tsela—tsela go ya godimo ke go ya fase. “Yoo a ikokobetšago yenamong o tla phagamišwa; yoo a ipthagamišago o tla kokobetšwa.” A

ikokobetša yenamong. Se leke go ba se sengwe se segolo; leka goba se sengwe se sennyane, eupša eba se o lego sona. Le a bona? Eba yo monnyane pele ga Modimo, eba yo monnyane pele ga gago mong, yo mongwe le yo mongwe o ka godimo ga gago. “Anke yena yo a lego yo mogologolo magareng ga lena a be modiredi go bohle.”

²⁸² Ke mang a ka go ba yo mogologolo go feta Jesu Kriste yo a itatilego Yenamong le go hlapiša maoto a barutiwa? Mohlapiša maoto, O bile. Modimo wa Legodimo, Mohlodi wa magodimo le lefase, a hlapiša maoto bakeng sa bathea dihlapi (Oo!) ka morole le selo, le marole go tšwa tseleng, moo diaparo tša bona di gogobilego, le go e gogola; Mohlapiša maoto, se A bilego. Gomme morago re a nagana, “Re yo mongwe. Re swanetše go ba Ngaka, Ph.D., *Semangmang*.” Oo, nna! Yoo ga se Kriste. Seo ga se pealatše lerato. . . Kriste wa go ratega. O ba Mohlanka go bohle. Yeo ke nnete. O re rutile mohlala woo re swanetšego go o dirana seng boka A re diretše. Oo, yoo ke—yoo ke Morena wa ka. Se se Mo dirago yo mogolo, gobane O itirile Yenamong yo monnyane. Le a bona, seo ke se se Mo dirilego yo mogolo.

²⁸³ Ke bile le monyetla wa go kopana le banna ba bangwe ba bagolo bophelong bja ka, gomme ke bile le monyetla wa go kopana le banna bao ba *nagannego* ba be ba le ba bagolo. Monna wa kgonthe yo mogolo o leka go go dira o nagane o yo mogolo gomme ga se yena selo. Le a bona? Go kopaneng le dikgoši, le go ya pele, banna bao ka kgonthe ba lego banna ba bagolo. Gomme o kopana le Bakriste ba go kgwahla, diaparo tša digaswa, le dilo boka tše. Gomme ba bangwe ba bona ba tla phuluphithing boka lepokisi la pente gomme morago. . . Le a bona? Oo, nna! Gabotse, ke kgole kudu. . . Go lokile.

²⁸⁴ “Mana a utilwego,” se sengwe se sennyane *sa go ikgetha*. Ke eng *sa go ikgetha*? E sego se sengwe. . . Ditšhegofatšo tša Moya wo Mokgethwa? Oo, aowa, tše ke tša phuthego ka moka. Eupša “man a utilwego” e be e le kutollo ya go ikgetha gobane o be a swanetše go ruta ba bangwe. Le a bona? E be e le tsebo ye nnyane bontši ya Lengwalo, gore a kgone go ruta ba bangwe. O swanetše go ba. A yeo ke nnete? O ka se tsoge wa phela ka godimo ga modiša wa gago. O nno elelwa seo, le a bona. Gomme kafao. . . Gobane ke yena modiši yoo a go fepago. Ge a le modiši, o swanetše go tseba moo mana a lego gona, go fepa di—di dinku. A yeo ke nnete? Bjale, sa go ikgetha se sennyane. Gomme šetšang se feelsa motsotso, kutollo, mana a utilwego.

²⁸⁵ Bjale, “Letlapa le lešweu, o tla ba le letlapa le lešweu.” Morongwa yo o tla ba le letlapa le lešweu. Leo ke leswika, a ga se lona? [Ngwanešu o re, “Go sek.”—Mor.] Le. . . O nepile, “go sek.”

²⁸⁶ O—O kopane le monna nako ye nngwe gomme leina la gagwe e be e le Simone, gomme O fetoletše leina la gagwe go Leswika,

“Petro.” Gobaneng? O be a swere dikgonyo. A yeo ke nnete? O fetotše leina la gagwe le go mo dira leswika. A yeo ke nnete? Petro o be a swere dikgonyo gobane o be a le yena yoo a swerego dikgonyo tša Mmušo.

²⁸⁷ “Leina le leswa, leina le leswa le ngwadilwe leswikeng le leo go sego motho a le tsebago eupša yenamong.” O tseba yo a lego, eupša ga a kgone go botša ba bangwe. Le a bona? Le a bona? Ga go yo a tsebago eupša yenamong. Le a bona? Petro o a tseba o be a swere dikgonyo, eupša ga se le mo kwe a ikgantšhe ka yona. Le a bona? Mathaka a a ikgantšhago ka ga se ba lego ka mehla ga se bona selo. Uh-huh, uh-huh. “Leswika le lešweu, gomme ka go lona leina le leswa.” E sego leina la gagwe mong, eupša ke wa yo mongwe gape (Le a bona?) leo yenamong a nnoši a le tsebago; ke yena yoo a swerego leswika, leina. Le a bona, mana a go ikgetha go fepa kereke, elelwang.

²⁸⁸ Elelwang ge Se se direga go kereke ye, e bile lebaka la go swana (nako ya go swana yeo Se se utollotšwego) gore Banikolaite ba be ba ipeetše bonabeng hlogo ya kereke ya *bona*, mopapa, gomme ba mo file aletara ya leswika le lešweu botlase, ka tlase ga gagwe, aletara ya mabole. A yeo ke nnete? Gomme ba e manega ka gare ka dikonopi, le dilo boka tše, di bego di le bohlokwa go *yena*.

²⁸⁹ Eupša morongwa yo wa Morena o tsebile o be a le mang, morwa wa Modimo, ka—ka kutollo ya Jesu Kriste.

²⁹⁰ Gomme ge—ge Banikolaite ba beile moetapele wa *bona* le go bea letlapa la mabole maotong a gagwe (Le a bona?), Modimo o beile moetapele wa Gagwe wa go tlala Moya bakeng sa sehlopha sa Gagwe sa go tlala Moya; morongwa wa Gagwe; gomme O beile godimo ga gagwe setswalelo sa leina, eupša ga a swanelo go le utolla. O swanetše a itshwarele lona go yenamong, le a bona. “Ga go motho a tsebago eupša yenamong.”

²⁹¹ “Mana a utilwego, letlapa, leina le leswa leo go sego motho a le tsebago eupša yenamong,” gomme e be e lebišitšwe go morongwa wa kereke. Ke a makala ge eba Luther o le tsebile? Ke a makala ge eba Wesley o le tsebile? Ke a makala ge eba—ge eba barongwa ba bangwe ba bagolo?

²⁹² Gomme ke a makala lehono, ge eba go... Go tleng ka lefaseng ka pela, morongwa yo mogolo wa Seetša yoo a tla tlago go rena, yoo a tla go re etepele go tšwa, Moya wo Mokgethwa wo mogolo, go tla maatleng, gomme o tla re etapele go ya go Morena Jesu Kriste. Ka kgonagalo a ka se e tsebe, eupša o tla ba fa le lengwe la matšatši a. O tla dira... Modimo o tla mo tsebagatša. A ka se swanele go itsebagatša yenamong, Modimo o tla mo tsebagatša. Modimo o tla netefatša wa Gagwe Mong. Ke seo A se boletšego ge Jesu a be a le fa gomme ga se ba Mo tseba, le a bona. O rile, “Ge Ke sa dire mediro ya Tate wa Ka, gona se

Ntumeleng; eupša ge Ke dira mediro ya Tate wa Ka, gomme ga le kgone go Ntumela, gona dumelang mediro.” A yeo ke nnete?

²⁹³ Oo, a ga A makatše! Puku ya Kutollo. Bjale, le bona moo dikereke di lego? Le bona ka fao ba kgobokanetšego ntle? Le bona ka fao kereke e ilego ntle fa? Bjale, *le* ke lebaka re tlaggo go lona gosasa bošego, Morena ge a rata.

²⁹⁴ Bjale, ke maswabi gore ke le swareletše botelele kudu, eupša ke—ke—ke holofela gore le—le tla ithuta se sengwe. Le go tseeeng dinoutso, gore ge . . . Ke ne tše dingwe gape fa, e ka ba matlakala a mararo goba a mane, eupša ke no se be le nako go fihla go yona, gomme, gobane go ba thari, gomme e ka ba metsotso ye lesomešupa bjale go fihla . . . Eupša re tla e bea pukung, go le bjalo, gomme kafao re tla—re tla—re tla ba le yona.

²⁹⁵ Bjale, ke ba bakae ba Mo ratago ka pelo ya lena yohle? Ke ba bakae ba Mo dumelago ka pelo ya lena yohle? Oo! Bjale, a le nagana gore ke tla ema fa feela gobane gore ga re ka go mekgatlo—gore ga re ka go mekgatlo gomme re tla bolela dilo tše? A le a kwešiša bjale, baena, gabaneng ke—ke (bophelo bja ka bjhole) ke lwele kgahlanong le selo? Le a bona, E be e le Moya wo Mokgethwa. Ga se ke kgone go e kwešiša nnamong, ga se ke e tsebe go fihla feela matšatši a se makae a go feta. Le a bona? Ga se ke tsebe ke eng e ntirilego go dira seo; ga se ke tsebe gabaneng ka mehla ke goeleditše kgahlanong le basadi go pheleng bohlaswa, le dilo; ga se ke e tsebe, ke a dira bjale. Le a bona?

²⁹⁶ Bjale, Morena o a tseba gore dilo tše ke phošo. Šedi fa di gogetšwe thwi godimo ka go histori, le go tla . . . Beibele e boletše . . . Bjale lebelelang fa, Beibele e boletše (pele ga nako) gore dilo tše di tla direga. Bjale, re tseba seo, a ga se re? Ka gona re tsea histori ya lebaka leo, gomme ra bona gore e diregile feela tlwa ka tsela ye Beibele e boletšego. A yeo ke nnete? Gabotse, ge re etla tlase fa go lebaka la kereke la *rena*, le se A se boleletsegopele bakeng sa lebaka la kereke la *rena*, go tla direga feela tlwa ka tsela ye Modimo a rilego go tla ba. A le dumela seo? Oo! A ga le nyake . . .

Oo, ke nyaka go Mmona, go lebelela go
sefahlego sa Gagwe,
Fale go opela go ya go ile ka ga mogau wa
gagwe wa go phološa;
Mo mekgotheng ya Letago anke ke phagamiše
segalontšu sa ka;
Matshwenyego ohle a fetile, gae mafelelong, go
hlalala ka mehla.

Oo, ke nyaka go Mmona, go lebelela . . . (Ke ba
bakae ba dirago?)
Fale go opela go ya go ile ka ga mogau wa
gagwe wa go phološa;

Mo mekgotheng ya Letago anke ke phagamiše
segalontšu sa ka;
Matshwenyego ohle a fetile, gae mafelelong, go
hlalala ka mehla.

Bjale ge le šikinya diatla le lena seng, ka pele, ka morago, le
go dikologa, le Mamethodist ohle, Mabaptist, Mapresbyterian, e
ka ba eng e lego:

Ge ke eta go kgabola naga ye, ke opela ge ke
sepela,
Oo, ke šupetsa disoulo go Khal-... (E sego
kereke, Khalibari). Go kgabola moelo wo
mohubedu,
Mesebo ye mentši e phutše soulo ya ka, go tšwa
ka ntle, ka gare;
Eupša Morena wa ka o ntlhahlela pele, go Yena
ke swanetše go gomarela.

A re emeng bjale:

Oo, ke nyaka go Mmona, go lebelela go
sefahlego sa Gagwe,
Fale go opela go ya go ile... (a re phagamišeng
diatla tša rena)... mogau go pholosa;
Mo mekgotheng ya Letago anke ke phagamiše
segalontšu sa ka;
Matshwenyego ohle a fetile, gae mafelelong, go
hlalala ka mehla.

²⁹⁷ Oo, ke Mo rata bjang! Ke Mo rata bjang! Semaka! Semaka!

Semaka, semaka, Jesu ke sona go nna,
Moeletši, Mokgoma wa Khutšo, Modimo yo
Maatla ke Yena;
Oo, go mphološa, go mpoloka go tšwa go sebe
ka moka le hlong,
Go makatša ke Molopolodi wa ka, retang Leina
la Gagwe!

Nkile ka lahlega, bjale ke hweditšwe, go
lokologa go tshenyego,
Jesu o fa tokologo le pholosha ya go tlala;
Go mphološa le go mpoloka oo, go tšwa go sebe
ka moka le hlong,
Semaka ke Molopolodi wa ka, tumisa la
Gagwe...

Yo mongwe le yo mongwe, godimo ka kgonthe;

Semaka, semaka, Jesu ke sona go nna,
Moeletši, Mokgoma wa Khutšo, Modimo yo
Maatla ke Yena;

Oo, go mphološa, go mpoloka go tšwa go sebe
 ka moka le hlong,
 Go makatša ke Molopolodi wa ka, retang Leina
 la Gagwe!

Oo, go makatša bjang!

Oo, semaka, semaka, seo Jesu a lego go nna,
 Yena ke Moeletši, Mokgoma wa Khutšo,
 Modimo yo Maatla ke Yena;
 Yena o a mphološa, go mpoloka ka moka go
 sebe le hlong,
 Go makatša ke Molopolodi wa ka, retang Leina
 la Gagwe!

²⁹⁸ Anke mmogo re re, “Tumišang Leina la Gagwe!” [Ngwanešu Branham le phuthego ba bolela sammaletee—Mor.]: “Tumišang Leina la Gagwe!” Molopolodi wa ka! Gopolang gosasa bošego, iri ya bošupa. Go fihlela nako yeo, go fihlela le etla morago, dirang se:

Tšeа Leina la Jesu le wena,
 Ngwana wa mahloko le madimabe;
 Le tla lethabo, khomotšo go fa... (Ke
 thakgetše go le bona fa, baena, Morena a
 le šegofatše.)
 ...mogohle o yago.

Leina le bohlokwa (Leina le bohlokwa), O bose
 bjang! (O bose bjang!)
 Kholofelo ya lefase le thabo ya Legodimo;
 Leina le bohlokwa (Leina le bohlokwa), O bose
 bjang!
 Kholofelo ya lefase le thabo ya Legodimo.

²⁹⁹ Ge re inamiša dihlogo tša rena bjale thapelong, bakeng sa pina ya mafelelo, goba temana ya mafelelo:

Leineng la Jesu go a inangwa,
 Go wa go ikala go... (Morena Modimo,
 fodiša ba, Morena, ge re...)...re tla mo
 fa mphaphahlogo
 Ge leeto la rena le fedile.



LEBAKA LA KEREKE YA PEREGAMO NST60-1207
(The Pergamean Church Age)
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Desemere 7, 1960, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org